

მხვან ფამუნი

ფაქტობი ტატი



ორჰან ფამუქი ◆ ფარული სახე

სცენარი

თურქულიდან თარგმნა თამარ ალფენიძემ

ელფის გამომცემლობა • თბილისი • 2008

სცენარის ამბის ამბავი • ორჰან ფამუქი

სცენარებს მაინცდამაინც რომ არ კითხულობენ, მე თვითონაც ვიცი. საყვარელი ფილმის სცენარიც რომ იყოს, მომავალში წაკითხვის იმედით შევდებ ხოლმე წიგნის თაროზე და ძალიან დიდი ხნის შემდეგ ზუსტად ისე, როგორც ამჟამად თქვენ, წიგნის წინა- და ბოლო-სიტყვაობას ვკითხულობ. და, როცა, ვკითხულობ საყვარელ სცენებს, ზოგიერთ დიალოგს, ვხვდები, რომ ოცნებები მემსხვრევა. თითქოს უხილავი ხელი ამხად წოდებული მელოდის ყველაზე სულისშემძვრელ მომენტზე რადიოს დილაკს აჭერს თითს და ხმას თიშავს. ფურცლებზე თითქოს ძალიან ბევრი სიცარიელეა, ძალიან ცოტა აბზაცია, თითქოს მკითხველი შორდება ავტორსაც, გმირებსაც და საკუთარ თავთან პირისპირ რჩება. ამ ნაკლის აღმოფხვრის იმედით, აბზაცებს ვუმატებ და ვუმატებ და ვცდილობ, ამბის ამბავი მოვყვე...

(გავრძელება 104-ე გვერდიდან)

უცხოური საავტორო უფლება

© Can Yayinlari 1992, 1993, 1994

© İletişim Yayinlari 1995

© Orhan Pamuk 2007

ქართული საავტორო უფლება

© ელფის გამომცემლობა, 2008

© Elf Publishing, 2007

ყველა უფლება დაცულია

ს ა ქ ა რ თ ვ ე ლ ო ს
ვ ა რ ლ ა მ ე ნ ტ ი ს
ე რ ო ვ ნ უ ლ ი
ბ ი ბ ლ ი ო თ ე კ ა

www.elf.ge

ამ წიგნიდან ტექსტის,
ნებისმიერი ილუსტრაციის,
მაკეტის გამოყენება ნებისმიერ
ფორმით გამომცემლობის
წერილობითი ნებართვით
გარეშე იკრძალება კანონით.

ათასობით, ათასობით საიდუმლო
შეიცნობა, როცა ის ფარული სახე
გამოაჩენს თავის თავს.

ფარიდულდინ ათარი

ქალაქთა ქალაქი

მოწიკწიკე დიდი კედლის საათი.
ტიტრები.

ღამე. ქალაქთა ქალაქის – სტამბოლის ხედი.
ლაჟვარდისფერ ღამეში მეჩეთების, გემების,
სასახლეების, მანქანების შუქი. ზღაპრული ხედი.

ფოტოგრაფი იწყებს ამბის თხრობას.
ტიტრების ფონზე მარტოსულის დაღლილი,
ნაღვლიანი ხმა ჰყვება...

ფოტოგრაფი: (ხმა) მეუბნებით, რაიმე გვი-
ამბეო... კარგი, ერთ ამბავს გიამბობთ, მაგრამ
შევძლებ კი გულის გადაშლას? არ ვიცი...
როცა მეუბნებიან, რაღაც გვიამბეო, ხეებზე ვფი-
ქრობ... ხეებზე ჩემი სიზმრებიდან... ერთხელ,

ერთი ამბავი მოვყევი, მსმენელებს გული გა-
დავუშალე... მაგრამ მართო მე არ ვიყავი მთხრო-
ბელი. ყველა რალაც ამბავს ჰყვებოდა... მეც, არ
ვიცი, რატომ, ხეებზე ვფიქრობდი... მაგრამ მაშინ
ახალგაზრდა ვიყავი... არა, ახლა უკვე აღარ
ვარ ახალგაზრდა.

კადრში ფოტოგრაფი... ნაადრევად მოტეხილი, ასე,
დაახლოებით ოცდაათი წლის ახალგაზრდა... გაჩეჩილი,
გაუპარსავი, დარდიანი. თუმცა არც ისე უგუნებოდ
უნდა იყოს... მძიმე, სქელი ფარდის წინ ისე ზის,
თითქოს პავილიონში ან სადმე გასართობ ადგილას
იჯდეს. ჩანს, შეჩვეულია ასეთ ადგილებში ყოფნას...
ჰო, მართლა, კმაყოფილია, ამბავს რომ ჰყვება... სევ-
დიანად, ნაღვლიანად, თავდაჯერებულად ჰყვება, მაგრამ
მის საუბარში რალაც ირონიაც იგრძნობა.

ფოტოგრაფი: ჩემი ახალგაზრდობა ძალიან
შორს, ჩემი მოსაყოლი ამბის დასაწყისში დარჩა...
მაშინ ახალგაზრდა ვიყავი, დაუდეგარი, მამაჩემს
ვეურჩებოდი... სულ სტამბოლში სწავლაზე
ვფიქრობდი... ჯერ სტამბოლზე, მერე სწავლაზე...
მამაჩემს არ დავუჯერე და სახლიდან წავედი...
იმანაც ფულის გზავნა შემიწყვიტა... ერთი
ნათესავის დახმარებით, ეს საქმე ვიშოვე... თა-
ვიდან არ ამომდიოდა, რომ პავილიონის ფო-
ტოგრაფობას ვიწყებდი. ჩემთვის ვფიქრობდი,
რომ მე და მამა დიდი-დიდი ექვსი თვის მერე
შევრიგდებოდით, მაგრამ არა, ექვსი თვის შემდეგ

მამაჩემმა კი არა, ერთმა კაცმა მომძებნა... მერე გავარკვიე, ის კაცი მისი შახური იყო. ქალაქის გარეუბანში, ერთ-ერთ სუჩაზე მდებარე სახლში წამიყვანა... იქ ერთ ქალს... მომხიბლავ და ლამაზ ქალს უნდოდა, რომ ფოტოატელიეებში, ბარებში გადაღებული ფოტოსურათები მისთვის მიმეტანა ხოლმე... ყოველ დილით... რისთვის სჭირდებოდა სურათები, არ უთქვამს. ამ სამსახურისთვის დიდძალი ფული შემომთავაზა. დავთანხმდი.

ქალი ფოტოგრაფის მოტანილ სურათებს ათვალთვლებს.

კადრში მისი ხელი ჩანს.

სურათებს ერთმანეთში ურევს.

პავლიონებში გადაღებული სურათები...

სევდიანი, მელანქოლიური სახეები...

ულვაშებიანი კაცები სვამენ...

ჩამავებული და უტყვი სახეები.

მაგიდებს გარშემო მამაკაცები შემოსხდომიან.

ძალიან უცნაური, გადაბმული წარბებით, უაზროდ

იღრიჭებიან, სახეები პროფილში, სასმისები

აუწვევიათ, დარდიანები...

მამაკაცთა მსგავსი და განსხვავებული სახეები...

ფოტოგრაფი: (ხმა) მთელი ღამე სურათების გადაღებისა და გამჟღავნების შემდეგ, გათენებამდე, ჩემს პატარა ოთახში ცოტას წავთვლემდი ხოლმე, მერე გზას დავადგებოდი. როცა ქალაქის

ახალგამოდვიძებულ, ნისლიან დილით შიშველი წაბლის ხეების ქვეშ მივდიოდი, ვფიქრობდი, ნეტა, რას ეძებდა ქალი ფოტოსურათებზე.

კამერა იღებს წაბლის ხეებს. ხის ტოტები ნელ-ნელა, უხმოდ მოძრაობენ.

ფოტობრაში: (ხმა) დაახლოებით ორი წელი გრძელდებოდა ასე... ყოველ დილით ფოტოსურათების მიტანისთანავე რაღაც ალტყინებით გამომტაცებდა ხოლმე ხელიდან, მაგიდას მიუჯდებოდა და მათზე აღბეჭდილ სახეებს დაჟინებით აკვირდებოდა. ერთადერთი, რაც კარგად მახსოვს, მამამისთან ერთად ბავშვობაში გადაღებული ფოტო იყო... წლების შემდეგ მივხვდი, რას ეძებდა ქალი.

ქალის სახლში

დიდი კედლის საათი წიკწიკებს. დილა.

დიდ, ცარიელ ოთახში მაგიდასთან ზის ქალი.

მის წინ, დივანზე – ფოტოგრაფი.

ქალი, ოცდათხუთმეტ წლამდე, მოვლილი...

ფოტოგრაფის მიერ მოტანილ სურათებს ყურადღებით აკვირდება. ზოგიერთს ცალკე დებს, ლუპით ათვალიერებს, ზოგს კი უყურადღებოდ ერთ მხარეს აწყობს. ჩანს, უკვე დახელოვნებულია ამ საქმეში, სწრა-

ფად მოძრაობს. მაკრატლით ფოტოდან ვიდაცის სახეს ჭრის.

სიგარეტს ეწევა.

ფოტოგრაფი დივანზე ზის და სურათების ალბომს ზერეულედ ათვალიერებს, თან ცალი თვალი ქალისკენ გაურბის.

ფოტოგრაფის მხერა კედელზე დაკიდებული, ჩარჩოში ჩასმული ფოტოსკენაა მიმართული.

ფოტოსურათზე ჟოკეის შარვალში გამოწყობილი ორმოც წლამდე კაცი და ათი წლის პატარა გოგო სამოციანი წლების ამერიკული მანქანის წინ დგანან... მათ უკან დიდი, შთამბეჭდავი ხე დგას...

ქალი ფოტოსურათებს ფილატელისტივით აკურატულად აკვირდება. ხელში სიგარეტი უჭირავს.



ერთ ფოტოს დააშტერდა, ილიმება.

ქალი: ამ კაცის სახე ისეთი ცარიელი და სევდიანია, რომ მაშინვე ხვდები, სამი შვილი უნდა ჰყავდეს... ბავშვები დღე და ღამე ჩხუბობენ... კაცი სიზმარში ბალით გარშემორტყმულ სახლს ხედავს.

სხვა ფოტოს დასწვდა... თითქოს მობეზრდა. შემდეგ – სხვას.

ერთ-ერთის თვალიერებისას, უცებ გაფაციცდა. ფოტოს ლუპით ყურადღებით ათვალიერებს.

ფოტოგრაფი გრძნობს, რომ ქალს სახე ეცვლება...

ქალი მაგიდიდან დგება, ფანჯარასთან მიდის და მზის შუქზე ფოტოს კიდევ ერთხელ აკვირდება.

ქალი: ამ კაცის სხვა სურათები ხომ არ გაქვს?

ფოტოგრაფი ჩანთიდან სურათების დასტას იღებს და ქალს უახლოვდება.

ფოტოგრაფი: ყველა აქაა....

ფოტოგრაფი დასტიდან ერთ ფოტოს ირჩევს და ქალს აწვდის.

ამ სურათზე სამი კაცია.

ჭიქებს უჭახუნებენ ერთმანეთს. მარცხნივ, ერთ-ერთის მრავლისმეტყველი სახე იქცევს ქალის ყურადღებას.



ქალი: სხვა?

ფოტოგრაფი: არა მაქვს, არ გადამიღია.

ქალი: (ნერვიულად) რატომ?

ფოტოგრაფი: ეს სახე სხვებისგან არაფრით გამოირჩევა.

ქალი ჯდება. ფოტოსურათზე აღბეჭდილ სახეს ყურადღებით აკვირდება.

ქალი: არა... მისი სახე რაღაც ამბავს ჰყვება... მამაჩემი ამბობდა, მეტყველი სახე ყოველთვის რაღაც ამბავს ჰყვებაო...

ფოტოგრაფი: ვინ არის ეს კაცი?

ქალი: არ ვიცი... (ჩაფიქრებული) მაგრამ ასე მგონია, თითქოს მრავალი წელია ვიცნობ.

ქალი მაცდურად ეკითხება.

ქალი: შეგიძლია ეს კაცი მომიძებნო?
ფოტოგრაფი: (გაოცებული) ერთ ოფიციალურ ვიცინობ... ვკითხავ.

ქალი კმაყოფილია, იღიმება. ისევ ფოტოსურათებში ეფლობა...

ქალი: კიდევ გადაუღე... მინდა, დავრწმუნდე, რომ ის არის.

ფოტოგრაფი გადის.

ქალი ისევ ფოტოსურათზე აღბეჭდილ სახეს უყურებს, რაღაც გაახსენდა.

სწრაფად მიდის, ქუჩაში გასასვლელ კარს აღებს. კიბეებზე ჩამავალ ფოტოგრაფს მიაძახა.

ქალი: ჰკითხე, ცხოვრებაში ყველაზე მეტად რა უნდა...

ქალი კარს ხურავს.

როცა მარტო რჩება, თითქოს სიზმრისეულ ატმოსფეროში იძირება. თავის თავთან მოთამაშე პატარა გოგონასავით ებუტბუტება საკუთარ თავს. თითქოს რაღაც ახსენდება.

ქალი: ჰკითხე, რას ხედავს სიზმარში... სიზმრები აუცხადლა თუ არა... თუ ავიწყდება? სიზმარში სახეები თუ იშლება, ან იქნებ ირევა? შეუძლია, გაიხსენოს, როგორია სინამდვილეში?

ფოტოგრაფი ბეიოდლუს ქჩაზე გადადის. სამიკიტნოში შედის. პირდაპირ სამზარეულოსკენ იღებს გეზს, ეტყობა, აქ შინაურულად გრძნობს თავს. სამზარეულოში, სარკის წინ, მსუქანი ოფიციანტი წვერს იპარსავს. სახე გაქაფული აქვს. მარცხნივ მზარეული კარტოფილს თლის. ფოტოგრაფი მსუქან ოფიციანტს უახლოვდება.

ფოტოგრაფი: სამართებელს ხმარობ?

ოფიციანტი თვალს არ ამორებს სარკეს.

ოფიციანტი: ერთხელ ვთქვი, „ჯილეტს“ ვინმარ-მეთქი, ასე მეგონა, ქაფიდან სულ სხვა ადამიანის სახე გამოჩნდებოდა. ჰმ, ჩემი სამართებელი ზუსტად ოცდათხუთმეტი წელია არ გამომიცვლია. მასაც ჯერ არასოდეს უღალატია ჩემთვის... შეხე, შეხე... ქაფიდან ჩემი საკუთარი სახე ჩნდება.

ფოტოგრაფი ჩანთიდან ფოტოს იღებს და ერთ კაცზე ანიშნებს.

ფოტოგრაფი: ამას იცნობ?

ოფიციანტი: არა.

ფოტოგრაფი ახლა სხვა კაცზე უთითებს.

ფოტოგრაფი: ამას?

ოფიციანტი: რატომ მეკითხები? (დუმილი) ის და ჩემი ცოლი ერთი ქალაქიდან არიან... ავტობუსის მძღოლად მუშაობს...

ფოტოგრაფი: რომელ ხაზზე?

ოზინცინანი: ეიუფ-ემინონუზე.

ეიუფ-ემინონუს ხაზის ავტობუსში

ფოტოგრაფი ავტობუსის სავარძლიდან პირდაპირ მძღოლს უყურებს. მანქანის გვერდითა სარკიდან მძღოლი ჩანს... გზაზე სახლები, ძველი შენობები, ატელიეები...

ფოტოგრაფი მძღოლს უახლოვდება, ფოტოს აჩვენებს. მძღოლი თავდაპირველად ვერ ხვდება, მაგრამ მერე ცნობს ფოტოსურათზე კაცს.

მძღოლი: შენ გადაიღე?

ფოტოგრაფი: ამ კაცს ვეძებ... საფულე დარჩა.

მძღოლი: რჩება ხოლმე, დაბნეულია... მესაათეა.

ფოტოგრაფი: სახელოსნო სად აქვს?

მძღოლი: გაჩერებაზე მივალთ და გაჩვენებ.

მესაათეს სახელოსნო

ქუჩა სავსეა გასაშრობად გაფენილი სარეცხით. ბებერი ჭადრის ხე. ძველი სახლი.

ფოტოგრაფი მესაათეს სახელოსნოს უახლოვდება.

ვიტრინაში იყურება, ცდილობს დაინახოს, რა ხდება შიგნით.

ცოტა აღელვებულია. ინტერ სით ალებს კარს, კარის თავზე დამაგრებული ზარი რეკავს.

გაოცებულია. საათების წიკწიკი.

დაზვის წინ გამოპრანჭული ჯუჯა დგას, მის უკან — მესაათე...

მესაათე მუშტარს შეკეთებულ საათს აწვდის.

მესაათე: დიახ... სულ ბედნიერი ღრო ერვე-
ნებინოს თქვენთვის.

ჯუჯა ჯაჭვიან საათს ყურზე იღებს და ბედნიერი გამოძეგვლებით უსმენს.

ჯუჯა: მუშაობს!

მესაათე: ძველებურად გამოსცემს ხმას?

ჯუჯა: (კმაყოფილი) ზუსტად ის ძველი ხმაა.

ჯუჯა სათუთად იღებს საათს ყილეტის ჯიბეში, გადის.

ზარის ხმა.

მესაათე ფოტოგრაფს უყურებს.

მესაათე: მობრძანდით!

ფოტოგრაფი იხსნის საათს და დაზგაზე დებს.

ფოტოგრაფი: ამას ხომ არ ნახავდით?

მესაათე: რა სჭირს?

ფოტოგრაფი: (თვალთმაქცობს) რაღაც დარდი აწუხებს, მაგრამ რა, არ ვიცი.

მესაათე საათს იღებს, მაშინვე ოსტატურად ხსნის. მარჯვე თითები. უხერხულობის განცდა...

ფოტოგრაფი: მეგონა, საათები უკვე აღარ ფუჭდებოდა.

მისათმ: რატომ?

ფოტოგრაფი: იმიტომ, რომ ადამიანები უკვე აღარ აწყობენ საათებს.

მისათმ: მაგრამ შენი ადამიანის აწყობილი ყოფილა. უსმინე (საათს ფოტოგრაფს აწვდის), ზამბარა გადარჩენილა.

ფოტოგრაფი საათს ყურადღებით უსმენს.

მისათმ: როგორ შეატყვე, რომ დადარდიანდა?

ფოტოგრაფი: ისე, ვიგრძენი... მაწუხებდა.

მისათმ: ყველას შენნაირად რომ ეგრძნო, ეს ქვეყანა სულ სხვა სამყაროდ გადაიქცეოდა... შენს საათს ისეთ ნაწილს ჩაუუდებ, ვერავინ მიხვდეს. ამიერიდან არც შენ და არც შენი საათი აღარ შეწუხდებით.

მესაათე სამუშაო მაგიდიდან დგება, სხვა ოთახში გადის.


ფოტოგრაფი სახელოსნოს ათვალიერებს.

დელავს. საათები. საათების წიკწიკი.

სათამაშო საათის ლამაზ ქანქარას ეხება.

მესაათე სამუშაო მაგიდასთან ბრუნდება. ხელში საათის რომელიღაც დეტალი უჭირავს.

ფოტოგრაფი: სულიერი სიმშვიდის მოსაპოვებლად ასეთ სახელოსნოშია მუშაობა საჭირო?



მესაათმე: საიდუმლო სახელოსნოში კი არ არის, საათების გულშია.

ფოტოგრაფი: რა საიდუმლო?

მესაათმე: ზუსტად არ ვიცი, მაგრამ საღამოს, როცა სახელოსნოს ვკეტავ და სახლში მივდივარ... სახლი მღუპარეა. იმდენად მღუპარე, რომ, ასე მგონია, თითქოს იქაც, აი, ამ საათების წიკწიკი მესმის... როცა კარს ვკეტავ და დარაბებს ვხურავ, სიბნელეში საათების წიკწიკზე ვფიქრობ. ყველაფერი ამ ცარიელ და ბნელ სახელოსნოში ერთ წამში... ეს აზრი მოსვენებას არ მაძლევს, ყმაწვილო.

საათის შეკეთებას მორჩა, ფოტოგრაფს აწვდის.

ფოტოგრაფი: რამდენი უნდა გადაგიხადოთ? მესაათე, თითქოს ვერც გაიგო, ყურადღებას არ აქცევს ფოტოგრაფის ნათქვამს.

ფოტოგრაფი წამით ძალას იკრებს.
ქალის შეკითხვა ახსენდება.

ფოტოგრაფი: რა გინდა ცხოვრებაში ყვე-
ლაზე მეტად?


მესაათე ერთხანს ფიქრობს.

მისათმე: მინდოდა, ადამიანებისთვის საათებზე
შეამბა... მექანიზმების სინატიფეზე, ქანქარას იდ-
უმალებაზე, იმაზე, თუ რა საშიში თვისება აქვს
ზამბარას. ახლა არავინ იცის, რა არის საათი...
ალბათ, იმიტომ არიან ადამიანები სეველიანები.
ალბათ, ეს არის მიზეზი, თავიანთ ამბებსაც
რომ არ ჰყვებიან... ისინი ვერც კი გრძნობენ,
თუ როგორი სულია საათის ისრების მიღმა...
მინდოდა, შემძლებოდა ადამიანებისთვის საათ-
ების საიდუმლოებაზე მომეთხრო... მაშინ ისინი
გამოღვიძებულებივით სამყაროს სხვანაირად
გაუსწორებდნენ თვალს... მაშინ თავს დააღწე-
დნენ თავიანთ დარდებს და იქნებ, საკუთარი
ამბების მოყოლასაც შეძლებდნენ...

ფოტოგრაფისა და მესაათეს თვალები ერთი წამით
შეხვდნენ ერთმანეთს. მესაათე თავის იარაღებსა და
დაზგებზე იხრება, ფოტოგრაფი სწორედ ამ დროს
გადის სახელოსნოდან.

კარიდან რამდენიმე ნაბიჯს ღვამს, ჩერდება, რაღაც
ახსენდება.

ისევ შედის სახელოსნოში.



ნაჩქარევად უღებს მესაათეს ფოტოს. როდესაც აპარატი კვლავ ინთება, მესაათე ხელით აჩვენებს, რომ აღარ გადაუღოს.

ფოტოგრაფი: გმადლობთ.

ფოტოგრაფი გადის თუ არა, მესაათე მაშინვე თავის სამყაროს უბრუნდება. კარის ზარის წკრიალი.

ფოტოგრაფის სახლი

ფოტოგრაფი სურათებს ამჟღავნებს.

წამლიან ჭურჭელში ნელ-ნელა იკვეთება მესაათეს სახე.

ფოტოგრაფი ავზიდან ფოტოს იღებს და მესაათეს ყურადღებით აკვირდება.

ფოტოგრაფი მაგიდის თავში ზის და წერილს კითხულობს.

წერილს კეცავს და კონვერტში დებს. სევდიანია.

ქალის სახლი

სახლის საერთო ხედი.

ქალი მაგიდის თავში ზის და სურათზე მესაათეს სახეს დაჰყურებს.

ქალი: ვიცოდი, რომ მესაათე იქნებოდა... მხოლოდ მესაათეს შეიძლება ჰქონდეს ასეთი სახე,

თავგზას რომ აგებნევს, უცნაური. ყველაფერია
ამ სახეზე: დარდი, შიში, სიყვარული... რუკაა,
არ შევმცდარვარ.

ფოტოგრაფი დივანზე ზის. მოუსვენრად. ეჭვიანობს.

ფოტოგრაფი: ის შენ სრულებით არ გგავს!

ქალი: კიდევ მიაძებ მის ოცნებებზე.

ფოტოგრაფი: (ნერვიულად) თურმე ადამიანებისთვის საათებზე მოყოლა ნდომებია... მაშინ, თურმე, ადამიანები სევდისგან თავს დაიხსნიდნენ, თავიანთი ამბების მოყოლას შეძლებდნენ.

ქალი დგება, ჩაფიქრებული გადის.

ქალი: მისი სიტყვებით მითხარი.

ფოტოგრაფი გონებას ძაბავს.

ქალი საათისკენ მიდის.

ფოტოგრაფი: თითქოს არც კი არსებობდა მისი სიტყვები. არიან ადამიანები, რაღაც ამბავს გიყვებიან. როცა სახლში ბრუნდები, თავი სავსე გაქვს იმ ამბებით, მაგრამ იმ ადამიანის ნაამბობი ერთი სიტყვაც არ გახსოვს.

ფოტოგრაფი ამჩნევს, რომ ქალი საათთან აღარ დგას, თვალს მიეფარა. ინტერესდება. დგება და უხმოდ მიდის იმ მხარეს, სადაც ქალი იდგა.

საათის ძლიერი წიკწიკი.

ფოტოგრაფი თავის ადგილს უბრუნდება. იქ მას ქალი ხვდება, რომელიც წამით მარტოობის გრძნობას შეუპყრია.

პირველად რასაც ხედავს, ეს მაგიდაზე სამი ნივთია: სარკე, უთო, ლამპა...

ქალი ფოტოგრაფის მხერას მიჰყვება. ოდნავ ეუხერხულდება.

მთლიანად გულის გახსნის სურვილს აუტანია.

ქალი: რა ლამაზ ნივთებს ვხედავ სიზმრებში... მაგრამ დილით რომ ვიღვიძებ, არაფერი მახსოვს... ერთადერთი, რაც შემიძლია გავიხსენო, მხოლოდ ეს ნივთებია: სარკე, უთო, ლამპა...

ფოტოგრაფი ცდილობს გაერკვეს, ამ სიზმრისეულ ნივთებს დაჰყურებს.

ქალი: ღიმილი როგორი ჰქონდა?

ფოტოგრაფი: ვის?

ქალი: მესაათეს!

ფოტოგრაფი: სევდიანი...

ქალი ფანჯრიდან გარეთ იყურება. ჩაფიქრებულია.

ქალი: სევდიანი, არა? (უცებ წასასვლელად ემზადება) მასთან წამიყვანე!

ფოტოგრაფი: სხვა ფოტოსურათებიც მაქვს, არ ნახავ?

ქალი: ორი წელი ვეძებთ ერთად... ახლა კი
მასთან წამიყვანე!.. გთხოვ...

ფოტოგრაფი: (ყოყმანობს) ახლავე?

ქალი: ახლავე!

ქალი გადის.

ფოტოგრაფი გამოუვალ მდგომარეობაშია, ბრაზდება.

ფოტოგრაფი: ეს ის არ არის, ვისაც ეძებ!

ცისფერ მანქანაში

ქალის ნი-იანი წლებიდან შემორჩენილი ამერიკული
მარკის ცისფერი მანქანა თარღაბაშის გამზირზე
სწრაფად მიიწევს წინ.

ფოტოგრაფი მანქანის სარკიდან ქალის კისერზე
ჩამოკიდებულ ავგაროზს ამჩნევს, ათვალთვრებს.

ქალი: მამამ ჩამომკიდა... დაგიცავსო... რადგან
იცოდა, ზუსტად ოცი წლის შემდეგ ამ მანქანით
ერთი სახის საძებნელად რომ წავიდოდი... მამა
სულ ამბობდა, რომ ერთხელაც ქალაქში დავბ-
უნდებოდი... იქ ლამაზ ცხენზე შემსვამდნენ...
სულ უნდოდა, კარგ ცხენზე დავესვი.

მანქანა იმავე სისწრაფით ეიუფის უბანს უახლოვდება.
ორივე ჩაფიქრებულია.

ფოტოგრაფი: სახლიდან წერილი მივიღე...
მამა ავად ყოფილა.

დუმილი.

ორივე საკუთარ სამყაროში ჩაფლულა. ქალი, თითქოს თავის თავს ელაპარაკებო, ამბობს.

ქალი: რამდენჯერ მიფიქრია, შევძლებდი თუ არა შენთვის ახსნას, რატომ ვუყურებ ამ სახეებს. კადრში ხე ჩანს. შიშველი ტოტები. მანქანა სწრაფად მიიწევს წინ.

ქალი: ადამიანებს რომ ვუყურებ, მინდა ვუამბო ხოლმე... მაგრამ მერე აღარ მინდება.

მესაათეს სახელოსნოს ცოტა მოშორებით

ცისფერი მანქანა იმ უბანში უხვევს, სადაც სახელოსნოა. როცა სახელოსნომდე 30-40 მეტრი რჩება, ქალი მანქანის სვლას ანელებს. ტროტუარს უახლოვდება. დუმილი.

ქალი: რომელია?

ფოტობრაფი: (ანიშნებს) აი, წინ რომ არის.

ქალი: (აღელვებული) თითით ნუ მაჩვენებ.

მესაათეს სახელოსნოს წინ კურტნიანმა შუშის გამყიდველმა გაიარა.

ფოტობრაფი: აი, ახლა შუშის გამყიდველმა მის წინ გაიარა. აი, იქ.

ქალი: ის არის?

სახელოსნოდან ტყავის ჰიჯაკიანი კაცი გამოდის. იღლიაში საათი ამოუჩრია.

ფოტობრაზი: არა.

ქალი: რა თქმა უნდა, არა.

ქალი ზედმეტი მღელვარების, გაოცების გამო, თითქოს ბოდიშს იხდისო, იღიმება, ჩანთაში სიგარეტის კოლოფს ეძებს, პოულობს. სიგარეტს პირში იღებს. ფოტოგრაფი სანთებელათი უკიდებს.

ქალი განერვიულებული, აღელვებულია.

ორივე ქუჩაში იყურება.

ქუჩაში ორი გოგონა „კლასობანას“ თამაშობს.

უკნიდან მანქანას ორი კაცი უახლოვდება, საუბრობენ.

ახოვანი პაცი: ...თქვენ თვითონ თუ არ მიხედავთ თავს, მე ამ საქმეში უბრალო ვარმეთქი, ვუთხარი.

ჩიპა პაცი: რა იცი, ამის შესახებ?

ახოვანი პაცი: რას ამბობ?! მე რომ ამ ქალაქში ჩამოვედი, იმავე დღეს სასტუმროს ოთახში, ვფიცავ ალაჰს... შვიდი სული, მერე, რა თქმა უნდა, თუ შეგიძლია მოყვე შენი დარდის შესახებ, მოყევი.

ორმა კაცმა მესაათეს სახელოსნოს წინ ჩაიარა და იქაურობას გაშორდა.

ფოტოგრაფმა მოუთმენლობისგან მანქანის რადიოს ტრიალი დაიწყო. სხვა სამყაროს ასოციაციის გამომწვევი მუსიკა და ხმები.

ქალი: (ეჭვიანად) დარწმუნებული ხარ, რომ ეს ის სახელოსნოა?

ფოტობრაზი: დარწმუნებული ვარ.



ისევ ღუმილი.

ქალი: (ნერვიულად) ნეტავ როგორ შემხვდება? სალამი, როგორ ბრძანდებით? ხელს ჩამოვართმევთ ერთმანეთს. მამაზე ვუამბობ. მის ხელებზე კიდევ ერთხელ მიაბობ?

ფოტობრაზი: (თავიდან იშორებს) მარჯვე ხელები...

ქალი: ღიმილი? ღიმილი როგორი ჰქონდა?

ფოტობრაზი: სევდიანი.

ღუმილი.

ქალი: აღარ ვნერვიულობ.

მანქანის უკან, შორს მეძველმანე გამოჩნდა.

მეძველმანე: მეძველმანე... ძველ ნივთებს ვყიდულობ... მეძველმანე...

ფოტობრაზი: შეხე! ის! აი, ის!

მესაათე სახელოსნოდან გამოდის.

კეტავს სახელოსნოს კარებს.

ქალი: (ღელავს) ვერ ვხედავ!

ფოტოგრაფი: აი, ის!

მესაათე ქუჩის მეორე მხარეს გადადის. წამით ჩერდება. ჯიბეში რაღაცას ეძებს. შემდეგ გადაწყვეტილებას იღებს და მიდის.

მესაათე ნელ-ნელა შორდება მათ, ქალი მანქანის პედალს აჭერს ფეხს.

ძრავა არ ამუშავდა.

ქალი ისევ აწვება მანქანის პედალს.

ძრავა ამუშავდა.

მანქანა ნელ-ნელა დაიძრა მესაათეს მიმართულებით.

ქალიც და ფოტოგრაფიც ძალიან ღელავენ.

მანქანა ნელ-ნელა მესაათეს უახლოვდება.

მესაათე გრძნობს, რომ მანქანა უახლოვდება.

თავის სამყაროშია, მაგრამ წამით ბრუნდება.

ქალი მის სახეს მისჩერებია.

მესაათე ქალს უყურებს, შემობრუნდა და მის წინ დადგა. შეამჩნია ქალის დაჟინებული მზერა და კიდევ შეხედა.

დრო ცოტაც რომ გაგრძელდებოდა, ქალი ხომ პირველად ხედავს სახეს, რომელსაც წლების მანძილზე ეძებდა.

იგი გზას კი არა, მესაათეს უყურებს.

საყვირის ძლიერი ხმა ისმის.

ქალის პირდაპირ წითელი სატვირთო მანქანა გამოვარდა.

ქალი მიმართულებას მარჯვნივ იჭერს. ძლივს იხსნა დაჯახებისაგან მანქანა.

მესაათემ, ამ დროს, სადღაც შეუხვია და თვალს მიეფარა.

ქალი უმატებს სიჩქარეს, რომ დაეწიოს.

მანქანა სხვა ქუჩაზე გადადის.

იქ არავინაა...

ქალი ერთხანს ჩერდება. ღრმად სუნთქავს.

ქალი: დაკარგეთ!

მანქანას სიჩქარეს უცვლის და ისევ იძვრის ადგილიდან.

ცრის.

მანქანა მდინარის შესართავთან, სანაპირო ქუჩაზე, მიდის.

ქალი მოგონებებში ჩაფლულა, თან მანქანას მართავს, თან მგრძნობიარე ხმით ჰყვება.

ქალი: როცა პატარა ვიყავი, მამაჩემი მოულოდნელად გადაიკარგებოდა ხოლმე... ზოგჯერ იმიტომ ქრებოდა, რომ მეთამაშებოდა... მეგონა, სახლში, ერთ კუთხეში მაშინვე ვიპოვიდი და აღელვებული ძებნას ვიწყებდი. ზოგჯერ ისე გადაიკარგებოდა, არაფერს მეტყოდა... მაშინ ვფიქრობდი, რომ მეთამაშებოდა. სადღაც მემალება, მეთამაშება და ახლავე ვიპოვი-მეთქი.

მამაჩემი გამხდარი და მაღალი იყო... სახე რბილი ჰქონდა, გამოხედვა — სევდიანი... (თვალები უცრემლიანდება), მაგრამ ყოველთვის კი არ იყო ასეთი. რამეს თუ დავაშავებდი, წარბებს შეკრ-

ავდა, სახე აერეოდა და მაშინ, ძალიან რომ გაბრაზდებოდა, გადაკარგვა იცოდა. (ცრემლები სდის) არ გამიბრაზდე, რა, მამა, – ვეხვეწებოდი ხოლმე. უკეთესად შევჯდები ცხენზე... როგორც წესია... სწორად დავჯდები... რომ იკარგები, მე ვერ ვძლებ... სახლში საათობით ვეძებდი, ორმოცჯერ ნანახ ადგილს, ისევ ვნახულობდი. (ტირის) სადა ხარ, მამა, გამოდი, რა, მეც აღარ ვიზამ... ბნელდება, მეშინია, ნუ იმალები, შენ როგორიც გინდა, ისეთი ვიქნები... ნუ მიბრაზდები, ნუ იმალები... დამელაპარაკე, რა, სახლი ცარიელია, გეხვეწები, გეხვეწები...

სადღაც ყურესთან

მანქანა სადღაც, გაურკვეველ ადგილასაა. ჩერდება. უდაბური ადგილია. ცრის.

ქალი ჯერ კიდევ ჩუმად ტირის.

ფოტოგრაფი ქალს უმწეოდ უყურებს. ნელა უახლოვდება, ხელს თმებში უცურებს. ერთხანს ასეა გაჩერებული, შემდეგ მოფერებას იწყებს.

ფოტოგრაფი: ნუ ტირი, ნუ ტირი, გეთაყვა...

ქალი ცოტა გამოერკვა. დუმილი.

ქალი: ძალიან მომწყურდა... წყალს მომიტან?

ფოტოგრაფი: წყალს?

ქალი: წყალს.

ფოტოგრაფმა მიდამო მოათვალიერა, მაღაზია დალანდა.
გადავიდა მანქანიდან.
ქალი მანქანაში მარტო რჩება. თავის ფიქრებს უბ-
რუნდება.

ფოტოგრაფი მაღაზიაში შედის.

ფოტოგრაფი: წყალი გაქვთ?

გამყიდველი: (კარგად არ ისმის) ვერ გავიგე?

ფოტოგრაფი: წყალი! წყალი გაქვთ?

გამყიდველი: დიახ.

ფოტოგრაფი ჭიქით ხელში გამოდის ღუქნიდან. მაგრამ
გარეთ არც ქალია, არც მანქანა. ფოტოგრაფი ცარიელ
ქუჩას გაჰყურებს. სიმარტოვის, უმწეობის გრძნობა.

ფოტოგრაფი თავის სახლში

ფოტოგრაფი საწოლზე წევს.

მესაათეს სახელოსნოში ასობით საათის წიკწიკი.
კადრში საათები.

სრულიად მარტო, ბნელში მოწიკწიკე ასობით საათი.
ინათა თუ არა, ფოტოგრაფი აღგა.

მაგიდასთან მივიდა.

ერთხანს ახალგადაღებულ სურათებს უყურა.

ფიქრებშია ჩაფლული.

უცებ, რაღაც გადაწყვეტილება მიიღო, სურათები დას-
ტად შეკრიბა.

ფოტოგრაფი ქალის ცარიელ სახლში

ფოტოგრაფი ქალის ცარიელ სახლში სწრაფად შედის. სიბნელეში კიბეზე სწრაფად არბის.

ზედა სართულიდან ორი მუშა ერთად მძიმე კარადას ქშენა-ქშენით მიათრევს. გვერდით რომ ჩაუარეს, ფოტოგრაფს სახეზე მოუსვენრობა დაეტყო.

ფოტოგრაფი ღია კარიდან ქალის ბინაში შედის. გაოცება. ქალის ბინა სრულიად ცარიელია.

იატაკზე ასობით ფოტო, გაზეთის ამონაჭრები... ჟურნალები, ალბომები...

ფოტოგრაფი თითქოს ჯერ კარგად ვერც ხვდება, რომ ქალი არ არის... იატაკზე დაყრილ სურათებს უყურებს, გაოცებულია.

იხრება, ერთ-ორ ფოტოს იღებს, უყურებს, იხევ იატაკზე აგდებს.



დამლაგებელს, რომელიც იქაურობას აწესრიგებს, უახლოვდება.

ფოტოგრაფი: იცი, სად წავიდა?

დამლაგებელი: არა, ოცი წლის შემდეგ, აი, ასე, ორ დღეში, ადგა და წავიდა.

ფოტოგრაფი: ნივთები?

დამლაგებელი: ყველაფერი მეძველმანესთვის მიუყიდა.

ფოტოგრაფი ოთახში, შიგნით პატარა მაგიდას ამჩნევს. მაგიდაზე ისევ ის ნივთები – სარკე, უთო, ლამპა დგას.

შემოდის მეძველმანე ხელში ტომრით. ამ სამ ნივთს ტომარაში სწრაფად დებს და გადის.

ფოტოგრაფი მესაათეს სახელოსნოსკენ წინ

ფოტოგრაფი მესაათეს სახელოსნოსკენ გარბის. ჩერდება, სახელოსნო დაკეტილია.

დარაბები ჩამოშვებულია.

ზედ დაფაა წარწერით: „ქირავდება სახელოსნო“.

ფოტოგრაფი უმწეობისგან დარაბებს ანჯღრევს.

საბნის მკერავმა ჩაუარა სასაბნე ნაჭრით ხელში.

საბნის მკერავი: დაკეტილია... დაკეტილი...

ფოტოგრაფი: სად წავიდა?

საბნის მკერავი: გაუჩინარდა.

ფოტოგრაფი უმწეოდ დგას.

ბიზანტიურ ნანგრევებთან

ფოტოგრაფი ერთი კედლის ნანგრევზე ჯდება.
დარღობს, ქალისა და მესაათეს კვალი რომ დაკარგა.
ყურე. შიშველი, გამხმარი ხის სევდა.
ფოტოგრაფი ქალისთვის მოტანილ სურათებს სიცა-
რიელეში ისვრის.

ფოტოგრაფი სახლში

ფოტოგრაფი ღამე საწოლის ნაპირზე მობუზული,
ქუჩის ლამპიონის მბუუტავ შუქზე. ქალის სიტყვებს
აუხსნელი გრძნობით იხსენებს.

ფოტოგრაფი: საღამი, როგორ ბრძანდებით...
ერთმანეთს ხელს ჩამოვართმევთ... მას მამაზე
ვუამბობ... მის ხელებზე კიდევ მომიყვები? მისი
ღიმილი? რაღაც ამბავი... მეტყველი სახე
ყოველთვის რაღაც ამბავს ჰყვება... მომწყურდა...
წყალს მომიტან?

კარზე აკაკუნებენ.
დგება, მიდის, აღებს.
ფოსტალიონია.

ფოსტალიონი: დეპეშაა.
დეპეშას იღებს. რვეულში ხელს აწერს. დეპეშას
კითხულობს.

ფოტოგრაფი: მამაშენი გარდაიცვალა, ჩამოდი.

ფოტოგრაფი ოთახის შუაგულში მონუსხულივით დგას.

ავტობუსი

ავტობუსი გზატკეცილზე სწრაფად მიიწევს წინ.
ფოტოგრაფი უკან მობუზული ზის.
ფანჯრიდან ჩანს, როგორ ირხევა ნაზი, კოხტა ალვის
ხეები.

ავტობუსი ღამითაც მიჰყვება გზას. მანქანების შუქებით აჭრელებულ სიბნელეში მანქანების ფარები უახლოვდება, ჩაივლის და შორდება.



მკვლართა ქალაქი

გამხმარი, მკვლარი ხეები.
მკვლართა ქალაქის საერთო ხედი.

ნისლიანი დილა.
ფოტოგრაფმა დაცარიელებულ ბაზარში გაიარა.

უკაცრიელი ქუჩები. სევდა...

ფოტოგრაფი ერთხანს მამის სახლთან დგას, მერე
კარზე აკაკუნებს.

მამის სახლში

მამის ცხედარი.

ფოტოგრაფი მის თავთან ჯდება.

ხელი მამის სახისკენ მიაქვს. მიცვალებულს თვალები
ღია აქვს.

ფოტოგრაფს ხელი უკან მიაქვს.

მამის სახლის ხელი გარედან.

ფოტოგრაფი ღივანზე წამოწვა. მაშინვე იძინებს.

დედა ოთახში შემოდის, ტახტზე იხრება.

ვაუს სახეზე სიყვარულით, მსუბუქად უსვამს ხელს.

დედა: აქ არ დაიძინო, შეგცივდება.



დედა, უფროსი ძმა, ფოტოგრაფი სამზარეულოში მაგინდასთან სხედან. მაგიდის სუფთა გადასაფარებელი მხოლოდ უფროსი ძმა ჭამს რაღაცას.

დედა: (ფოტოგრაფს) სახეზე ნაცრისფერი გადევს.

დუმილი.

ფოტოგრაფი: ეს რა ხმაა?

უფროსი ძმა: არაფერი გამიგია.

ფოტოგრაფი: მამას თვალები არ ეხუჭება.

უფროსი ძმა: მამას თვალები რომ დაეხუჭოს...

დედა: დაეხუჭა უკვე, ნუ მიაქცევთ ყურადღებას.

უნდოდა, ყველაფერი ასე ყოფილიყო. ჩვენ

ყველანი მაგიდის გარშემო...

კვლელთან კუთხეში მამის ჩექმები.

დედა: ამიერიდან შენ აქ დარჩები... გასაკეთებელი ბევრია... ამ კვირას ფერმაში წადით, გაიგეთ, რა ამბავია. მისახედია იქაურობა...

სიბნელეში ორი შემზარავი, მსუქანი კაცი ბაღში შემოდის. მხრებზე კუბო უდევთ, ერთს იღლიაში თოკი და ღვედი ამოუჩრია...

რძალი მათ ფანჯრიდან უყურებს.

რძალი: მოვიდნენ.

ვაჟიშვილები მაგიდიდან წამოიშალნენ...

დედა: დასაფლავებაზე თვალცრემლიანი არავინ ვნახოთ!

სასაზღაო

საფლავთან შეკრებილი ხალხის საერთო ხედი.
იმამის ყვირილი: ფათიჰა!

უფროსი ძმა და ფოტოგრაფი ლოცულობენ, ხელებს
მალლა შლიან.

საფლავში ჩასული ხანდაზმული კაცი კუბოს სახუ-
რავს ხდის.

ხანდაზმული პაცი: ვაჟიშვილები სად არიან,
შვილები სად არიან? აქ მოიყვანეთ.

ფოტოგრაფი მამის საფლავის თავთან მიიყვანეს.

ხანდაზმული პაცი: კარგად დახედე, შენი
მამაა?

ფოტოგრაფი: (ჩუმად) მამაჩემია...

ხანდაზმული პაცი: ვერ გავიგე, კიდეც ერ-
თხელ თქვი.

ფოტოგრაფი: დიახ, მამაჩემია, ეს ჩემი მამაა!

უმრისკან მიმავალ გზაზე

ფოტოგრაფი და მისი უფროსი ძმა ლიანდაგზე მიდიან.
რკინიგზის ხიდზე რომ გადადიოდნენ, ფოტოგრაფმა
გზააბნეული კუ დაინახა. გაჩერდა და შეაბრუნა.

უფროსი ძმა: მგონი, სულ სხვანაირი იყო
მამაჩემი, თორემ იმ უცნაურ ქალს არ შეიყვა-
რებდა. ჩემი თავი დავარწმუნე ამაში. საღამოს,
როცა სახლში ვბრუნდებოდი, ეს ჩვენი სახლი

არ არის-მეთქი, ვფიქრობდი. ამას, ყველაფერს, შენც გრძნობდი და სტამბოლიდან აქ დაბრუნება ამიტომ არ გინდოდა.

ფოტოგრაფი: არ ვიცოდი.

უფროსი ძმა: როცა ის ქალი პირველად ვნახე, ფერმაში ვიღაცის ახლობელი მეგონა. მასწავლებელი ყოფილა... ქმარიც მასწავლებელი ჰყოლია... მასწავლებელ ქალს ფერმაში, აბა, რა საქმე აქვს?

ტრიალ მინდორზე მიდიან. უკან გრძელი, ვიწრო მატარებელი გამოჩნდა. მატარებლის კივილი. ძრავის ხმაური...

უფროსი ძმა: მამამ თქვა, ამათ სკოლის გასათბობად შეშას ვაძლევო. მომთხოვნი ქალია, ხარჯების რვეულს სუფთად აწარმოებსო, ამბობდა. ყოველდღე დაიწყო ფერმაში სიარული.

უფროსი ძმა და ფოტოგრაფი ფერმაში შევიდნენ. ცხოველები დადიან, ტრაქტორის დიდი ბორბალი გდია, დაჟანგული თუნუქის ჯამები, ქოთნები... ძაღლების ყეფა...

ფერმის სახლი

ფოტოგრაფი მამის მაგიდასთან ზის. თითქოს უნდა მამას გაუგოს.

გარშემო იხედება, ათვალიერებს. კუთხეში განიერი საწოლი... „ვიტას“ ფირმის თუნუქის ყუთებში ორი ყვავილი... გაზის ლამპა... მაგიდაზე ზარდახშა დევს, ალებს, შიგნით რვეულს ხედავს, იღებს, ფურცლავს. მასწავლებელი ქალის ლამაზი კალიგრაფია. უფროსი ძმა შემოდის.

ფოტობრაზი: ეს მისი რვეულია?

უფროსი ძმა თავს უქნევს.

ფოტობრაზი: მართლაც ლამაზი ხელი ჰქონია.

უფროსი ძმა: მამაჩემს არ უნდოდა, რომ აქ მოვსულიყავი.

უფროსი ძმა იხრება და ჩვეული მოძრაობით მაგიდის ქვედა უჯრას ალებს... სადაფით მორთულ ყუთს იღებს და მაგიდაზე დებს. კოლოფს ხსნის, შიგთავსს აჩვენებს. ორი ჩიბუხის ტარი, უხმარი, ძველნაკეთი სანთებელა, დასაკეცი დანა, ძველებური, ძეწკვიანი საათი და პატარა კოლოფი.

უფროსი ძმა: აირჩიე!

ფოტოგრაფი ერთხანს დგას. სათუთად იღებს საათს ხელში.

ფოტობრაზი: დანარჩენს ვტოვებ.

უფროსი ძმა: კარგი.

სანთებელას და დასაკეც დანას ჯიბეში იღებს. ფოტოგრაფი პატარა ყუთს ხსნის. ყუთიდან ქალის ფოტოს იღებს. სახე და თვალები გაშავებული და ამოკაწრულია... საშინელი შესახედეა.

ფოტობრაზი: შენ ჩაიდინე?

უფროსი ძმა: რა?

უფროს ძმას სახეზე ეტყობა, რომ ტყუილს ამბობს, ვერ მალავს. სურათიან კოლოფს ჯიბეში იღებს.

უფროსი ძმა: თუ ასე გაინტერესებს, დაბრუნებისას სკოლასთან გავივლით... გაჩვენებ... უფროსი ძმა ოთახის მეორე მხარეს მიდის, იქედან ორი სანადირო თოფი მოაქვს...

უფროსი ძმა: მამა რომ ტყულის თქმას დაიწყებს, ის მამა აღარ არის. (თოფებს მაგიდაზე დებს) დედას უნდა, რომ ესენი სახლში მივიტანოთ. მაგიდის უჯრიდან ცისფერლენტშებმული გასაღები ამოაქვს.

უფროსი ძმა: ესეც...

დაწყებითი სკოლა

დასახლების ცენტრიდან მოშორებით, ბუნებაში, რაღაც სახელმწიფო დაწესებულება დგას.

ბოძზე დროშა...

ბავშვები ბაღში „გაიქეცი, ბაჭიას“ თამაშობენ...

მათთან ის მასწავლებელი ქალია.

ღია ფერის თმები.

მიმზიდველი, ლამაზი...

ძმები შორიდან უყურებენ.

უფროსი ძმა უმცროსს გვერდიდან აღმაცურად აკვირდება.

ბავშვების მხიარული ხმები.

მასწავლებელმა ქალმა თითქოს იგრძნო, რომ შორიდან უყურებენ, შემოტრიალდა.

ერთხანს ძმებისკენ იყურება.

მამის სახლში

ღამე. ფოტოგრაფი ლოგინზე წამოწოლილა. ხელში მამის ძეწკვიანი საათი უჭირავს და დიდხანს უყურებს. გარეთ სუსტი შუქი. ძლიერი ქარი შიშველ ტოტებში დმუის. ფოტოგრაფი გვერდზე ბრუნდება, იძინებს.

ხიდი მდინარეზე

ორივე ძმა ხიდზეა.

უფროსი ძმა ჩამოძვდარა, ფეხები წყლისკენ გადაუყვია. ფოტოგრაფი მის უკან დგას. წყლის ხმაური.

უფროსი ძმა: რომელიმე სახეს რომ უყურებ, ოცნებას ეძლევი... მაგრამ, როგორც კი თვალს გაახელ წამით, დახუჭვას ვერ ასწრებ, რომ ოცნება მაშინვე ქრება... ოცნება უკვე გონებაშია, მაგრამ, განა, ეს სწორია? ყოველთვის გვერდით უნდა იყოს და არა გონებაში... თუ არა და დაიწვას... რატომ არ წამოიღე ფოტოაპარატი? **ფოტოგრაფი:** (ჩაფიქრებული) არ ვიცი.

უფროსი ძმა: ალბათ იფიქრე, ქალაქის ოცნებები ქალაქზე რომ გადავიტანო, რა მოხდებაო, არა?

ფოტოგრაფი: (ერთხანს ფიქრობს) არა... (გადაწყვეტილებას უმხელს) ამიერიდან სტამბოლში არ დავბრუნდები...



მამის სახლი

სალამო.

სუფრას ფოტოგრაფი, დედა, უფროსი ძმა და რძალი უსხედან.

დედა: რომელ დედას არ უნდა რომ შვილმა ისწავლოს... მაგრამ არც ერთ დედას არ უნდა, რომ შვილმა მთვრალების ფოტოების გადაღებაში გალიოს სიცოცხლე. სტამბოლში წასული უნივერსიტეტს დაამთავრებდი, ადვოკატი გახდებოდი... მაგრამ, რადგან რჩები, ბარემ ძმას მოეხმარე... ახლა შვილებო და რძალო, რაღაცას გაჩვენებთ...

დედის უკან ორი ძმა, სამივე, მოყანყალებული კიბით მაღლა ადიან. საკუჭნაოში შედიან. ძველი ნივთები, ღუმელი, მაყალი, ხალიჩა, ყუთები, სკივრები, გალია...

დედა ოთახის ერთ-ერთი კუთხისკენ მიდის. სკივრს ნაპირისკენ ადვილად წევს, ხალიჩას იღებს. იატაკიდან ფიცარს იღებს.

უფროსი ძმისკენ ბრუნდება.

დედა: მოდი, ერთი ვნახოთ... ჩაყავი შიგ ხელი...
უფროსი ძმა ხელს სკივრში ჰყოფს.

დედა: კარგად ჩაყავი, კარგად...
უფროსი ძმა რაღაცას პოულობს.

დედა: ამოიღე ეგ, ამოიღე.

უფროსი ძმა პატარა ზარდახშას იღებს.

დედა მაგიდასთან ჯდება. ზარდახშას მაგიდაზე დებს.

დედა: მოიტა, ერთი, გასაღები.

დედა უფროს ძმას გასაღებს ართმევს. ზარდახშას ხსნის. ძმები ინტერესით უყურებენ.

დედა კმაყოფილი იერით ყუთიდან ზავერდის ქისას იღებს, ხსნის.

შიგთავსს მაგიდაზე ყრის. ოქროებია.

დედა: (უფროს ძმას) ღათვალე, ერთი, რამდენია... (ფოტოგრაფს უბრუნდება) შენმა ძმამ იცის, ბაზრის უკანა მხარეს, მეჩეთისკენ, ცარიელი ადგილი რომ არის მშენებლობისთვის გამოყოფილი... მამათქვენის მამიდაშვილებისა... ოცი წელი ხდება, ახლა უკვე აღარ დაბრუნდებიან... თუ იჩქარებთ, ამ ადგილს იაფად ვიყიდით...

უფროს ძმას უკვე დაუთვლია ოქროები.

უფროსი ძმა: ოცდაჩვიდმეტია.

დედა: კარგი... ერთხელაც დათვალე, ქისაში ჩადე. (ფოტოგრაფს უბრუნდება) შენი ძმა ამბობს, იქ ღუქანი გავხსნათო. ეს საქმე შენთვის მომინდვია... ხვალ ავტობუსზე დაჯდები, მეორე დღეს მათ იპოვი, ოქროებს მიუთვლი (ჯიბიდან რაღაც ქაღალდს იღებს). ამ მისამართზე...

ფოტოგრაფი გოცეებული დაჰყურებს მისამართს, რომელიც დედას ხელში უჭირავს.

დედა უფროს ძმას ართმევს ქისას, თავს უკრავს, ფოტოგრაფს აწვდის.

დედა: ამ ქისაში ყოველი ჩვენგანის მომავალია, არ დაგავიწყდეს ეს...

ავტობუსში

ავტობუსის ფანჯრებში ხედები იცვლება. ხეები.

ფოტოგრაფი ავტობუსშია.

ავტობუსი ღამეც აგრძელებს სვლას.

ავტობუსის გაჩერება

ავტობუსი მორიგ გაჩერებას უახლოვდება.

ფოტოგრაფი ავტობუსიდან ჩამოდის, მაგრამ სხვებივით სასადილოში არ შედის. მოწყენილი დადის.

წინ კაფეა. უახლოვდება.

შიგნით ხალხი ტელევიზორს უყურებს.
ფოტოგრაფი სიგარეტს უკიდებს. ის-ის არის უნდა
გაბრუნდეს, რომ უცებ ჩერდება.

ქალის სახე...

ფოტოგრაფი ვერ ხვდება, საიდან და როგორ გაჩნდა
ეს სახე. შემდეგ ამჩნევს, ანარეკლია სარკიდან თურმე.
შიგნით, ტელევიზორს რომ უყურებენ, იმის ანარეკლი...

კაფე

ფოტოგრაფი კაფეში შედის.
ეკრანზე ქალის გამოსახულებას ადევნებს თვალს.
ქალის გრძნობით აღსავსე გამომეტყველება.

ფოტოგრაფი მოჯადოებულებით, გახევებული დგას.
სკამზე ჯდება.

ეკრანზე ქალს უყურებს.
ეკრანზე გამოსახულება იცვლება, მესაათე ჩნდება.
მესაათეს წინ, მაგიდაზე, საათი დევს.

ჰყვება.

მესაათე: წლების განმავლობაში საათებში
ვცხოვრობდი... საათის ჯადოსნურობა ჩემი
ცხოვრების საიდუმლოდ იქცა... ერთ დღეს
მივხვდი, რომ ამ საიდუმლოს ამოცნობა ჩვენი

სახის საიდუმლოს ამოცნობით შეიძლებოდა...
ამგვარად, ჩემი სიზმრები სხვებისას შეერია...
ამიერიდან არასოდეს დამავიწყდება... რადგან,
საათი თუ გულთან ახლოა, ადამიანის სახე
მაშინ ხდება მეტყველი...

ეკრანზე ხედები ჩნდება. სულთანის სურათები...
საათის წიკწიკი...

ფოტოგრაფი კაფეში ჩაფიქრებულ, სევდიან მაყურებელთან ერთად ეკრანზე ამ გამოსახულებებს უყურებს.

გარედან საყვირის ძლიერი ხმა ისმის, მაგრამ ფოტოგრაფი ადგილიდან არ იძვრის. წამით გარეთ იხედება. შემდეგ მზერა ისევ ეკრანზე გადააქვს.

ისევ ისმის საყვირის ხმა.

ავტობუსი იძვრის, გაჩერებას შორდება.

იმ წამსვე ეკრანზე ჩანაწერი მთავრდება. ცარიელი ეკრანის თვალისმომჭრელი შუქი. კაფეს მეპატრონე ტელევიზორს უახლოვდება. ვიდეო-აპარატიდან კასეტას იღებს, ყუთში ღებს და ვილაც ფარაჯიან კაცს აძლევს, რომელიც მოულოდნელად საიდანღაც გაჩნდა.

ფოტოგრაფი თვალს აყოლებს ამ კაცს. მას მიჰყვება. ფარაჯიანი კაცი სატვირთო მანქანას მიუახლოვდა, ფოტოგრაფი სწორედ მაშინ წამოეწია.

ფოტოგრაფი: ერთი წამით!

ფარაჯიანი კაცი: ბატონო?

ფოტოგრაფი: წელან რომ ვუყურებდით...
შენია?

ფარაჯიანი კაცი: (დაეჭვებით) რატომ
მეკითხები?

ფოტოგრაფი: ყიდვა მინდა... გაყიდი?

ფარაჯიანი კაცი: ვერა, მომბაბარეს.

ფოტოგრაფი: კარგად გადაგიხდი.

ფარაჯიანი კაცი: ჩემი არ არის-მეთქი,
გითხარი. ამის პატრონი ქალაქშია.

კასეტას ჯიბეში იღებს.

გზად ქალაქისკენ

სატვირთო მანქანა სიბნელეში მიიწევს წინ. ფარა-
ჯიანი კაცი საჭესთან ზის, ფოტოგრაფი მის გვერ-
დითაა... უკაცრიელი და ბნელი ღამე.

ფოტოგრაფი: ვისია?

ფარაჯიანი კაცი: ახლავე ნახავ.

სიჩუმე. ხეები შემადრწუნებელ ღამეში.

ფარაჯიანი კაცი: ოცი წელია, ღამ-ღამო-
ბით აქ მოვდივარ და მაინც მეშინია.

უცხოთა ქალაქი

სატვირთო მანქანა ქალაქის მთავარ ქუჩაზე. ქუჩებში სულიერის ჭაჭანება არ არის... ისეთი სიბნელეა, კანკალი ავიტანს.

სატვირთო მანქანა სხვა ქუჩაზე უხვევს. მიტოვებული ქალაქი.

სატვირთო მანქანა მექანიკოსთა ბაზრისკენ მიდის. უცნაური, შიშისმომგვრელი სახლები... სატვირთო მანქანა ერთ-ერთი სარემონტო სახელოსნოს შორი-ახლოს ჩერდება.

ფარაჯიანი კაცი მანქანიდან გადმოდის.

ფარაჯიანი კაცი: აქ დაბელოდე!

ფარაჯიანი კაცი სახელოსნოში მაგიდასთან მსხდომ კაცებს უახლოვდება. ისინი ესალმებიან.

მაგიდასთან მჯდარ მოტეხილ, მრავლისმნახველ ქალაქის მესაათეს უახლოვდება.

ფარაჯიანი კაცი: აი, აილე, შენი კასეტა მოვიტანე.

ვიდეო-კასეტას ქალაქის მესაათეს აძლევს. ყურში ფოტოგრაფზე ჩასჩურჩულებს, მანქანაში რომ ელოდება.

ქალაქის მესაათე: (მაგიდის წვერებისგან ნებართვას იღებს) ერთი წუთით, მომიტევეთ...

მაგიდიდან დგება. ვიდეო-კასეტას პიჯაკში იდებს. ნელ-ნელა მანქანას, ფოტოგრაფს უახლოვდება. ერთხანს მას ახლო მანძილიდან უყურებს.

დაძაბული წამია.

ქალაქის მესაათე: ჩემს სახელოსნოში შევიდეთ, ვისაუბროთ.

ფოტოგრაფი და ქალაქის მესაათე ბნელ და ცარიელ ქუჩაში მიდიან.

ქალაქის მესაათე: რად გინდათ ეს ასე ძალიან?

ფოტოგრაფი: (ჩაფიქრებული) ძნელია ამის ახსნა.

ქალაქის მესაათე ხვდება, რომ რაღაც საინტერესოსა და იღუმალეებით მოცულზე დაიწყოს საუბარი, თავს უქნევს.

ქალაქის მესაათე: მესმის, ძნელია! (თავის თავში დარწმუნებული) ის ქალი ჯერ სიზმარში ნახე, არა?.. მე ჯერ დამესიზმრა, მერე ჩემს სახელოსნოში მოვიდა...

ქალაქის ცარიელ და ჩაბნელებულ ქუჩაში გაფუჭებული ლამპიონის შუქი. განათებულ ვიტრინაში თოჯინა...

შორიდან დარაჯის ხმა მოისმა.

ქალაქის მესაათეს სახელოსნოდან და სასტუმროდან ქუჩის საერთო ხედი. უკაცრიელობის, მარტოობის, სევდის განწყობა.

ფოტოგრაფი და ქალაქის მესაათე სახელოსნოში ერთმანეთის პირისპირ სხედან. მაგიდაზე დგას რახის ბოთლი, თითო-თითო ჭიქა, ცოტა ბარდა...

ქალაქის მესაათე: სიზმრად ბაზარში ვიყავი... რა გინდა, სულო და გულო, იქ არ ყოფილიყო: გემრიელი საჭმელი თუ ნაირ-ნაირი ტანსაცმელი, საუკეთესო აბრეშუმის ქსოვილები... რა აღარ იყო... გავიხედე, ერთ ღუქანში სიცოცხლეს ყიდიან... რომელიც მოგეწონება, იმ სიცოცხლეს ირჩევ და იმ სულის სახე შენი სახე ხდება, ამის მერე ბედნიერად ცხოვრობ... მეც იმ სახეს ვირჩევ, რომელიც მომწონს და უცებ ჩემ წინ ქალი ჩნდება... მივხვდი, რომ ანგელოზია... მითხრა: „მესაათე, კარგად დაფიქრდი? აქედან უკან დასახევი გზა აღარ არსებობს“... შემეშინდა. გაოფლიანებულს გამომეღვიძა. შუადღისას ის ქალი ჩემ წინ გაჩნდა... აქ, სახელოსნოში, თითქოს ენა დამება. რა უცნაური სახელოსნოა, რა უბადრუკ მდგომარეობაშიაო, თქვა...

გარეთ დარაჯის სასტვენის ხმა გაისმა.

ფოტოგრაფი ჩაფიქრებული, ყურადღებით უსმენს.

მესაათეს სახელოსნოში საათების წიკწიკი.

პატარა, ღარიბული სახელოსნოა.

საათებიც კი შეუხედავია.

უკან ტელევიზორის ეკრანი.

ქალაქის მისაათი: ეგ საათი უყვარდა, ეფერებოდა... ძალიან ღამაში საათთაო, ამბობდა, მაგრამ გაფუჭდა, რადგან სული დაკარგაო. მხოლოდ შენ შეგიძლია, შეაკეთო, მითხრა. კარგი, შენთვის შევაკეთებ-მეთქი, ვუთხარი... გაილიმა და დასტა ფული ამოიღო, ბევრი ფული... ისევ გაილიმა... (სამუშაო მაგიდიდან ვიდეო-კასეტას იღებს) ეს დატოვა, გიტოვებო, თქვა. უყურე, სიზმრები გაგახსენდებაო... რაც სახეზე დაკარგე, იმას იპოვიო... სხვებმაც უყურონ, იმათაც გაახსენდებათო... მაშინვე ვუყურე, მეგობარო, სხვებსაც ვაყურები, მაგრამ ვერაფერი გავიგე. საათიც ვერ შევაკეთე.

ფოტოგრაფი: როდის მოვალ, არ უთქვამს?

ქალაქის მისაათი: საათს როდის შეაკეთებო, მკითხა... დიდი-დიდი ერთ თვეში-მეთქი, ვუთხარი... მაგრამ ჯერაც ვერ შევაკეთე... ვცდილობ, რამე მოუხერხო. ისევ მოვალ, ამ ნივთს უპატრონეო, დამიბარა. (სახელოსნოს კარებს უყურებს) ცისფერ მანქანაში ჩაჯდა და წავიდა.

ფოტოგრაფი: ცისფერი იყო, არა?

ქალაქის მისაათი: სიზმრისეული ცისფერი... ალბათ, ის ქალი შენც სიზმარში გამოგეცხადა, მისი სახე რომ ნახე, მაშინვე იცანი, არა?

ფოტოგრაფი ყოყმანობს, ვერ პასუხობს.

ქალაქის მისაათი: რაღაც საიდუმლო აქვს, ვერ უარვყოფ... მაგრამ ეს კასეტა მობარებულია... თუ ბევრი ფული არა გაქვს, მაშინ საერთოდ...

ფოტობრაზი: (აწყვეტინებს) ოქროს მონეტები მაქვს, ხვალ გადავახურდავებ...

ქალაქის მმსაათი: (ინტერესით) მაჩვენე, ერთი...

ფოტოგრაფი გულის ჯიბეში ქისას ხსნის, ერთ მონეტას იღებს და ქალაქის მესაათეს აწვდის. ქალაქის მესაათე მონეტას ართმევს, უნდა დარწმუნდეს, ნამდვილია, თუ არა. ფოტოგრაფის ქისას უყურებს.

ქალაქის მმსაათი: ათი ცალი მინდა... ძალიან საპასუხისმგებლო...

ფოტოგრაფი მერყეობს.

ქალაქის მმსაათი: კარგი, იყოს ცხრა...

ფოტოგრაფმა რვა ოქრო მიუთვალა, მესაათე ყურადღებით აღევნებს თვალს.

მზრუნველობით გახვეულ ვიდეო-კასეტას აწვდის.

ქალაქის მმსაათი: არც მე გიცნობ და არც შენ გიყიდა ეს ჩემგან.

ფოტოგრაფი წამოდგა.

ქალაქის მმსაათი: ცოტა ხანს დარჩენილიყავი...

ფოტობრაზი: სად არის აქ სასტუმრო?

ქალაქის მმსაათი: ზუსტად სახელოსნოს წინ... (ტელევიზორსა და ვიდეო-აპარატზე უთითებს) ესეც იყიდე... იაფად დაგიტმობ, ახლავე უყურე შენს ოთახში...

სასტუმრო მესაათეს სახელოსნოს პირდაპირაა.

ღამე, სასტუმროს საერთო ხედი.

ფოტოგრაფის ოთახში შუქი ანთია.

სასტუმროს ოთახში

ფოტოგრაფმა კასეტა ვიდეო-აპარატში ჩადო და ეკრანს უყურებს. ქალის სახე მთელ ეკრანს ფარავს... აი, რაღაც შუქით განათებული მისი სხეული ჩანს... საათის გაბმული წიკწიკი ისმის. ქალის მგრძობიარე სახე ტკივლითა და რაღაც ღრმა განცდით არის დამძიმებული.

ქალი: წლების წინ, ერთ თოვლიან საღამოს მამამ ერთი ამბავი მიაშბო... ერთ ღროს, ყველასგან მივიწყებულ ერთ მწუხარე ქვეყანაში, ცხოვრობდა მამა თავის პატარა გოგონასთან ერთად. მამას ძალიან უყვარდა თავისი შვილი და უნდოდა, რომ მას სულ სხვანაირი ცხოვრება ჰქონოდა... როცა მისი გოგო გაიზრდებოდა და ღიდი ქალი გახდებოდა, კაფის მთის მიღმა ჩიტს



იპოვიდა და მაშინ ერთმანეთის მსგავსი უბ-
ელურებების საიღუმლოს გამოიცნობდა... პატარა
გოგონა უსმენდა მამას და მის ლაპარაკში
იძინებდა. სიზმარში კი, ამას, ყველაფერს, ერ-
თმანეთის მიყოლებით აკეთებდა... მაგრამ დილით,
როცა იღვიძებდა და აღმოაჩენდა, რომ ისევ ის
პატარა გოგო იყო, წუხდა... ვინ იყო ის გოგო,
დიდი ხნის მერე გავიგე. ერთ დილას, როცა
თოვდა, როცა იმ ზრდასრულ ქალად გავიღვიძე...
როდესაც დავსახლდი ქალაქში, რომელიც
საათის კოშკის ქვეშ იყო გაშენებული... დარდის
მთხრობელებთან ერთად ერთმანეთის ძებნა ასე
დავიწყეთ... ნათქვამია, ჩვენი სახე რუკაა, ამბავი
კი — მაგიდაზე დადებული ჩვენი სული.

უცხოთა ქალაქის ბაზარი

დილა.

ფოტოგრაფი ბაზარში მიდის.

ყასაბი ღანებს მლესავს აწვდის.

ფოტოგრაფი გაზეთების გამყიდველთან მიდის. ერთ
შეკვრა გაზეთს ყიდულობს და მიდის. სასტუმროში
რომ ბრუნდება, ისევ ხვდება ყასაბს და მლესავს...

სასტუმროში

ფოტოგრაფი სასტუმროში შედის.

მორიგეს გასაღებს ართმევს.

მორიგე: კიდე რამდენ ხანს აპირებთ დარჩენას?

ფოტოგრაფი: ერთი-ორი კვირა, არ ვიცი. ოთახში აღის.

ფოტოგრაფი სასტუმროს ნომერშია. ფანჯრიდან მესაათეს სახელოსნოს გაჰყურებს. მაგიდას ფანჯარასთან მიათრევს. მაგიდასთან სკამს დებს. ჯდება. ოდნავ წინ წევს. ამ ადგილიდან მესაათეს სახელოსნო უკეთ ჩანს. უფრო კარგად რომ დაინახოს, სკამიდან იწევა.

იმ რაკურსიდან, საიდანაც ფოტოგრაფი იყურება, სახელოსნოს ხედი ჩანს.

ქლაქის მესაათე კარებთან გამოჩნდა, რაღაცას უშვერს მზის სინათლეს, აკვირდება. წამით ფოტოგრაფს განხედა, სასტუმროს ოთახის ფანჯრიდან რომ უყურებს მას. ფოტოგრაფი აგრძელებს მესაათეს სახელოსნოს თვალიერებას...



ქალაქის მესაათის სახელოსნო

დილა.

ქალაქის მესაათე ქალის მიერ დატოვებული, გაფუჭებული საათის შეკეთებას ცდილობს.

კარი იღება და შემოდის ფოტოგრაფი. ილღიაში გაზეთები, ჟურნალები აქვს ამოჩრილი... ქალაქის პარკში საჭმელი...

ფოტოგრაფი: რაიმე ახალი ხომ არ არის?

მესაათე: არა... ვცდილობ, ამას რაიმე ნაწილი მივუსადაგო... ეს ის არაა, რაც სჭირდება, მაგრამ ალბათ მაინც იმუშავებს... დაჯე...

ფოტოგრაფი: რა დროს მოვიდა მაშინ?

მესაათე: თორმეტსა და პირველს შორის, შუადღისას...

ფოტოგრაფი: საიდან მოვიდა, არ უთქვამს?

ქალაქი, სადაც საათის კომპია...

მესაათე: საერთოდ არაფერი უთქვამს.

ხანმოკლე ღუმილი. მოწიკწიკე საათები...

ფოტოგრაფი: აქ, ამ ქალაქში როგორ გადის დრო?

ქალაქის მესაათე: (უგულოდ) არ გადის!..

აქ სიკვდილამდე დროის გასვლას უნდა ელოდო...

სასტუმროს ოთახი

ფოტოგრაფი ფანჯარასთან ზის, კროსვორდს ავსებს, თან გარეთ იყურება. დროდადრო მამის დანატოვარ



საათს დაჰყურებს... ოთახს და მაგიდას ეტყობა, რომ ფოტოგრაფმა ბევრი დღე გაატარა ასე მაგიდასთან ჯდომასა და მესაათეს სახელოსნოს ყურებაში. საფერფლე პირამდე სავსეა... საწოლზე უამრავი გაზეთი, ჟურნალი... მაგიდაზე ფორთოხლის ქერქები... კარზე აკაკუნებენ. ფოტოგრაფი თავს ატრიალებს.

ღია კარიდან დამლაგებელი ქალი შემოდის.

დამლაგებელი: ოთახს დავალაგებ.

ფოტოგრაფი: (უხალისოდ) იყოს, შეეშვი. დამლაგებელი გაკვირვებული გადის.

ფოტოგრაფი ოთახის კარს საგულდაგულოდ კეტავს.

ღამე.

ცარიელი და უკაცრიელი სასტუმრო. სევდიანი გარემო.

ფოტოგრაფი თავის ოთახში ტელევიზორის პირდაპირ დგას. ეკრანზე ქალის გამოსახულება. მის გვერდით, ეკრანზე ფოტოგრაფის გრძნობით აღსავსე გამომეტყველება ირეკლება... ფოტოგრაფი ქალთან ერთად იმეორებს მის მონაყოლს. ეტყობა, რომ კასეტის ყურებაში ქალის ამბავი გაუზეპირებია.

ქალი და ფოტოგრაფი: ერთ დღიას, როცა თოვდა, როცა იმ ზრდასრულ ქალად გავიღვიძე... როდესაც დავსახლდი ქალაქში, რომელიც საათის კოშკის ქვეშ იყო გაშენებული... დარდის მთხრობელებთან ერთად ერთმანეთის ბებნა ასე დავიწყეთ... ნათქვამია, ჩვენი სახე რუკაა, ამბავი კი – მაგიდაზე დადებული ჩვენი სული.



ღამე. სასტუმროს მთლიანი ხელი.
ეკრანზე ქალის გამოსახულება ქრება.
ფოტოგრაფი ისევ კასეტას უყურებს.
ქალის ძალიან მგრძობიარე სახის გამომეტყველება.
მის სახეზე დარდი, ღრმა სევდა.
ქალის მზერა ნელ-ნელა ქვევით ინაცვლებს.
მის წინ სკამზე მესაათე ზის.
ქალი მას მხრებზე ხელებს მეგობრულად ადებს.
მესაათე თავის ფიქრებში ჩაფლულა...

დილა... ფოტოგრაფი სიგარეტის ნამწვავებით, გა-
ზეთებით, ქალაქის ამონაჭრებით სავსე მაგიდასთან
საქმიანობს.

გაზეთებიდან სახეებს ჭრის. შემდეგ ამ ამონაჭრებს,
ქალის მსგავსად, გამადიდებელი შუშით აკვირდება.
შემდეგ სხვა ამოჭრილ სახეს უყურებს. პირში სიგა-
რეტი. ფანჯარასთან დგას, გარეთ მესაათეს სახე-
ლოსნოს უყურებს.

ქალაქის მესაათე დიდი, ლამაზი საათით ხელში სა-
ხელოსნოდან გამოდის.

სასტუმროსკენ მიდის.


ფოტოგრაფი ფანჯარას მოშორდა. ვიდუო-აპარატი
ჩართო და ეკრანზე ქალის ყურება დაიწყო.

ჩვეული მოძრაობით საწოლის კიდეზე ჯდება.

კარზე აკაკუნებენ.

ფოტოგრაფი კარს ადებს.

ქალაქის მესაათე ილღიაში ამოჩრილი საათით შემ-
ოდის ოთახში, ჩანს, ცხოვრებით კმაყოფილია.
ფოტოგრაფი დაინტერესდა საათით, ართმევს.



ტელევიზორის ეკრანზე ქალი ამბის თხრობას განაგრძობს.

ქალი: როცა ქალაქში დავსახლდი, რომელიც საათის კოშკის ქვეშ იყო გაშენებული...

ქალაქის მესაათე დიდ საათს მაგიდაზე დებს.

ქალაქის მმსაათემ: საათი შევაკეთე.

საათს უხმოდ რთავს. ცოტა ხანს იცდის, საათი ხმას არ გამოსცემს.

ქალაქის მმსაათემ: წადი, რაღა!

საათს შეუჩხიკინა, ისარი იძვრის.

საათიდან ცნობილი მელოდია ისმის. რაღაც ჯადოსნური, ბედნიერების წამი... ქალაქის მესაათე კმაყოფილია.

ფოტოგრაფი: როგორ შეაკეთე?

მისათმე: რალაცები მოვუძებნე და... დანარჩენი უკვე მისი საქმეა. ველარ გავიგე. ერთი თვე გავიდა, ჯერაც არ მოსულა...

ფოტოგრაფი: ერთი თვე და ოთხი დღე...

მისათმე: ყოველ დღე, თორმეტიდან პირველამდე, მეც მოუსვენრობა მიპყრობს ხოლმე... კიდევ მოვალა, თქვა... სიზმრიდან მოვლენილივით მოვა.

ქალაქის მესათე ბრუნდება, ტელეეკრანს უახლოვდება. ეკრანზე სახეები და სურათები ჩნდება... ინტერესით და შიშით უყურებს.

მისათმე: რა არის ამ ყველაფრის სიბრძნე? ადამიანის გონება ვერ ჩაწვდება ამას. ოცნებები, სიზმრები, საათები...

ეკრანზე ქალის ჯადოსნური გამოსახულება...

ქალაქის მისათმე: ვინმე გყავს?

ფოტოგრაფი: მყავს, მელოდებიან.

მისათმე: მოდი, წავიდეთ, ცოტა გავისეირნოთ...

მეგობრები მყავს...

უცხოთა ღამე

ღამე.

შიშისმომგვრელი და მიტოვებული საწყობის შენობა... საათამოხრილი ქალაქის მესათე და ფოტოგრაფი ძველ შენობაში შედიან...

საწყობი საკმაოდ განიერია... ზემოდან ორი შიშველი ნათურა ანათებს. ერთ მხარეს სარეცხია გაფენილი...

ერთი მაგიდა, რამდენიმე ტაბურეტი. გატეხილი, დანჯღრეული სკამები... ბრეზენტგადაფარებული, უცნაური იარაღები. ღუმელი, სამყეხი, რამდენიმე სკივრი, ძველი კარადა. ზედაც უფრო ძველი რადიო. მაგიდის თავში ორი კაცი ზის: წყალკანალის თანამშრომელი და მისი სულიერი მეგობარი. ქალაქის მესაათე მათ ფოტოგრაფს აცნობს, რაღაც გაუგებარი უესტებით და მეგობრული გრძნობით.

ქალაქის მესაათე: გამარჯობა. ეს მეგობარი წყალკანალის თანამშრომელია...

წყალკანალის თანამშრომელი: გამარჯობა... ოთხი წელია... მთავრობამ თქვა, წყლის საკითხებს გადავჭრიო. ერთ დღეს ინჟინრები, პოლიტიკოსები, ყველანი ერთად მოვიდნენ. წამოიწყეს საქმე. ერთი კვირის შემდეგ დარაჯად დამტოვეს და წავიდნენ. სადარაჯო კი არაფერია. დავავიწყდი აქ ყველას.

ქალაქის მესაათე: მაგრამ ყოველ თვე ვილაეთში მიდის, ხელფასს იღებს...

წყალკანალის თანამშრომელი: მჯერა, ოდესმე გამიხსენებენ.

ქალაქის მესაათე მეორე კაცზე ანიშნებს.

პატარა, უღიმღამო კაცია.

ღუმელზე მდგარ დოქს ანჯღრევს.

ქალაქის მესაათე: ეს ამხანაგი კი მისი სულიერი მეგობარია.

სულიერი მეგობარი: გამარჯობა.

თავმდაბლურად ესაღმება.

საწყობის საერთო ხედი, ამ გადაკარგულ ადგილზე გაპარტახებული საცხოვრებელი სახლები მოჩანს. მაგიდაზე დევს პური, ქოთანის ძველი, გატეხილი თევზი, ჩანგალი, დანა, რახის ბოთლი და ჭიქები. ერთ მხარეს სკივრი, ზედ საათი... მაგიდას ოთხივე მხარეს უსხედან.

სულიერი მეგობარი გულლიად და ძლელვარედ ჰყვება. **სულიერი მეგობარი:** ექიმები კაცს ყველანაირ წამალს ასმევდნენ, მაგრამ კუჭის ტკივილმა არ გაუარა. როდესაც კაცი მოკვდა, კუჭი გაუჭრეს და რას ხედავენ... ქვასავით მაგარი ხის ფესვი ჩაზრდილა კუჭში... მისმა ვაჟმა ხის ფესვი სუვენირად წაიღო, მამჩემისგან შექნებაო, თქვა და დასაკეც დანას ტარად გაუკეთა... წლების მერე ამ დანით ბოლოკს მოვჭრიო, ამბობს. ბოლოკს რომ ეხება დანა,



ტარი უქრებაო (დუმილი). ანუ, ექიმებს კაცისთვის ბოლოკის ჭამა რომ დაენიშნათ, არ მოკვდებოდა თურმე.

ქალაქის მესაათე: (არ აინტერესებს) ამ კვირას ლოტოში ერთმა ცამეტს გამოჰკრა ხელი...

სულიერი მეგობარი: ზემო სოფლებს მგელი შეეჩვია, ერთი ქვრივი გაუტაცია.

ქალაქის მესაათე: შენ არ თქვი, დათვიო...

წყალკანალის თანამშრომელი: მგლები უკვე აქაც მოდიან.

ხანმოკლე დუმილი, მოწყენილობის განცდა.

ქალაქის მესაათე ჯიბიდან ბანქოს იღებს, პიკის ქალს აჩვენებს.

ქალაქის მესაათე: მოდი, ბანქო ვითამაშოთ.

ბანქოს თამაშობენ. მაგიდაზე ჭიქები, ფული, ბანქოს ქალაღდი... სულიერი მეგობარი იგებს, დასტა ფულს აგროვებს. ფოტოგრაფი ისევ იღებს ფულს ჯიბიდან... წყალკანალის თანამშრომელი ბანქოს მონდომებით ურევს. ისევ სულიერი მეგობარი იგებს. ფოტოგრაფმა ერთი ყლუპი რახი მოსვა.

ქალაქის მესაათე რაც უფრო აგებს, მით უფრო ნერვიულობს.

ქალაქის მესაათე: (ფოტოგრაფს) შენც აგებ, მაგრამ ფეხებზე გკიდია... იმიტომ, რომ ოქროების ქისა გაქვს... როცა ფული გაქვს, ყოველთვის თავდაჯერებული ხარ.

გარედან მათ თეთრწინსაფრიანი ორი კაცი უახლოვდება, თოკით ცხენი მოჰყავთ. სიბნელეში საშინელი სანახავეები არიან.

ნალის კაკუნის ხმა...

სულიერი მეგობარი ისევ იგებს. ფულს აგროვებს. ნალების ხმა კიდევ უფრო გარკვევით ისმის.

ქალაქის მესაათმე: ალაჰმა დასწყევლოს! ყასბები!

ყასაბი, მისი დამხმარე და მათ უკან ცხენი საწყობის შენობაში შედიან...

წყალკანალის თანამშრომელი: (თავით ფოტოგრაფზე ანიშნებს) უცხო არ არის, ჩვენიანია.

როცა ყასბებმა ცხენი მათ გვერდით ჩაატარეს, სულიერი მეგობარი ფეხზე წამოდგა, ჯიბიდან ცხვირსახოცი ამოიღო და ცხენს თვალები აუხვია. ცხენი გაძვალტყავებული, ბებური და უბადრუკია.

სულიერი მეგობარი: დახუჭე, ჩემო კარგო, თვალები, დახუჭე. ჩემო დარდიანო ცხენო, დახუჭე, ჩემო სევდიანო... აქ დასანახი არაფერია. ფოტოგრაფი უკანა მხარეს გაყვანილ ცხენს თვალს ყურადღებით ადევნებს.

ქალაქის მესაათმეს ბანქოში ჩაურგავს თავი.

ცხენი ფარდის უკან გაიყვანეს.

ისმის დავარდნის ხმა. ბუნდოვანი ჭიხვინი.

ქალაქის მესაათმე: (გაბრაზებით, ნერვიულად) დასწყევლოს ღმერთმა! ქალაღდივით...

წყალკანალის თანამშრომელი: ქალაღდს ნუ ელაპარაკები... ნუ ელაპარაკები!

ქალაქის მესაათე: ვლადიმერ კობახიძე, რომ ქედმაღალი არ ვარ... მე ადამიანი ვარ, ჩემ გულს საკუთარ საიდუმლოებს ვუხსნი, მეგობარო!

გარედან, შუქზე ბუნდოვნად ჩანს, როგორ კლავენ ყასბები ცხენს ფარდის უკან.

ფოტოგრაფი ვერ უძლებს, მაგიდიდან ღებება, შორდება... კუთხეში, სამფენაზე, ძველ რადიოზე ტალღების ძებნას იწყებს. საიდანაც ისმის მუსიკა, სულ სხვა ქვეყნიდან, სადაც მზიარული ცხოვრებაა. ყასაბი ფარდიდან გამოდის. წინსაფარზე სისხლიან დანას იწმენდს. ფოტოგრაფი ესალმება.

მასაბი: კეთილი იყოს თქვენი მობრძანება.

სათამაშო მაგიდა აშლილია. ქალაქის მესაათე დიდ, ლამაზ საათს იხუტებს. ისმის საათის მელოდია. წყალკანალის თანამშრომელი მარტო, მაგიდასთან თამაშის შედეგებს ყურადღებით და ინტერესით ანგარიშობს.

უკან ყასაბი და სულიერი მეგობარი თეთრეულს იღებენ და გასაუთოვებლად ამზადებენ...

ფოტოგრაფი მათ შორიდან უყურებს. მთვრალია, დარდიანი...

ქალაქის მესაათე საათს ისევ ამღერებს... მელოდია უცებ წყდება, საათი გაფუჭდა.

ქალაქის მესაათე გრძნობას აყოლილი საათს ანჯღრევს.

ქალაქის მესაათე: ოი, ალაჰ!

გაფუჭებულ საათს ღებს.

მთვრალია. ხის სკივრზე გაიჭიმა. თავი სკივრზე იატაკისკენ გადაუგდია. ხელით უცნაურ მოძრაობებს აკეთებს. ნამთვრალევი ხმით ბოდავს.

ქალაქის მესაათმ: სამყაროს რომ შიგნიდან შეხედო, ყველა ლამაზა საფერფლე იქნება, ყოველი მაგიდა — ხე და ყოველი სარკე — თავი... (ფოტოგრაფს) ჩემი მეგობარი იმ დრომდე მოიცდის? თავდაჯერებულია... თავდაჯერებულები იცდიან... რადგან ყოველთვის აქვთ ის, რაც უნდათ... ვისაც უნდა, რომ დაელოდოს, დაელოდოს, მაგრამ მე არ დაველოდები!

დაღონებული ფოტოგრაფი ქალაქის მესაათეს თვალს ადევნებს.

წყალკანალის თანამშრომელი გულმოდგინედ აგრძელებს ბანქოს შედეგების ანგარიშს...

ქალაქის მესაათმ: ლოტოს შედეგებს არ დაველოდები... ღამეს არ დაველოდები... საათებს არ დაველოდები... ქალებს არ დაველოდები...

**ფოტოგრაფი აბრძელებს
თავისი ამბის თხრობას**

ფოტოგრაფი: (ხმა) მარტო მოლოდინის დღეებში კი არა, ჩემი ამბის დამთავრების შემდეგაც სულ ამაზე ვფიქრობდი.

დილა. კადრში სასტუმროსკენ მომავალი ფოტოგრაფი.
ქალაქში სიცარიელე. სევდა. მარტოობის გრძნობა.

ფოტოგრაფი: (ხმა) რატომ ვიყავი დარ-
წმუნებული, რომ ქალი სწორედ ამ ქალაქში
მოვიდოდა?.. რისთვის ველოდებოდი?.. რას?..

ქალაქში ქარი... გაფანტული ფოთლები, ქაღალდები...

ფოტოგრაფი: (ხმა) ახლა ვხვდები, მაშინ,
როცა ქალის გამოჩენას ველოდებოდი, მთელი
ქვეყნიერება ჩემს გარშემო როგორ შეიცვალა.
სახლში დედასთან და ძმასთან დაბრუნების
იმედი გადამეწურა. ზუსტად ოთხი თვე და
თოთხმეტი დღე ველოდი იმ ქალს. გრძელი
ზამთრის ბოლო დღეები იყო. ჩემი უკანასკნელი
ოქროს მონეტაც გადავახურდავე.

ხეებში ჩაფლულ, ნესტიან გზაზე ქალის ცისფერი
მანქანა სწრაფად მიიწვეს წინ... თითქოს სიზმარშია,
სად არის, ვერ გაუგია...

შენკედრა სასტუმროს წინ

ფოტოგრაფის ოთახი.

თვეების განმავლობაში გაზეთებიდან, ჟურნალებიდან
ასობით, ათასობით ამოჭრილი სახით აჭრელეებულ
კედლებს სასტუმროს ოთახი რაღაც შემადრწუნებელ
ადგილად გადაუქცევია.

ყველგან გაზეთების, ჟურნალების, ალბომების გროვა...
მუდმივად ჩართული ტელევიზორი...

ფოტოგრაფი მაგიდასთან ზის...
თმაბურძენული, გაუპარსავი, მოტეხილი...
საკმაოდ გამოცვლილია...
ფანჯრიდან გარეთ, მესაათეს სახელოსნოს, ისევ
ინტერესით უყურებს.

მესაათეს სახელოსნოს ხედი სასტუმროს ფანჯრიდან...
კარი იღება და სახელოსნოდან ორი ადამიანი გამო-
დის. ერთს, ხელში დიდი, ლამაზი საათი რომ უჭირავს,
ქალაქის მესაათეა, მეორე – ვიღაც ახოვანი კაცი...
სასტუმროსკენ მოდიან.
ფოტოგრაფი მათ მხოლოდ უყურებს, არ აინტერესებს.
თავის სამყაროში ჩაფლულა.

კარზე აკაკუნებენ.
ფოტოგრაფი ღებდა. იქვე გაზეთების გროვასა და
ნაგავს იღებს და კარს აღებს.

დამლაგებელი ქალი: ნაგავს წავიღებ.

ფოტოგრაფი დაჭრილ გაზეთებსა და ნაგავს უწვდის.

დამლაგებელი ქალი: დავალაგებდი...

ფოტოგრაფი: იყოს...

ფოტოგრაფი დამლაგებელ ქალს კარს ცხვირწინ
უკეტავს. დამლაგებელი ქალი ხელში ნაგავის გროვით

გაშეშებული დგას, თავისთვის ბუზღუნებს. ერთ ხელში გაზეთების გროვა, მეორეში – ნაგვის ყუთი. კიბეზე ნელ-ნელა ჩადის. დაჭრილი გაზეთების გროვას სასტუმროს ჰოლში სადგარზე დებს.

სწორედ ამ წამს მუსიკა გაისმის. ლამაზი, დიდი საათის მელოდიაა... მაგრამ გაბზარული მელოდია. დამლაგებელი ქალი საფერფლეს იღებს, რათა ნაგავში ჩაცალოს სიგარეტის ნამწვავები. ამ დროს ჩანს, რომ ოთახში ქალი და ქალაქის მესაათე ერთმანეთის პირისპირ სხედან. მათ წინ, სადგარზე, დიდი, ლამაზი საათი დგას. ქალაქის მესაათე ღონემიხდილი დამნაშავესავით გამოიყურება, გაფუჭებული საათის გაბზარული მელოდია წყდება.

ქალი საათს ავადმყოფი ბავშვივით ეფერება.

ქალი: არ გეწყინოს, მაგრამ არ არის შეკეთებული, შენ ეს საათი უფრო მოკალი... სული ვერ განუახლე...

ქალაქის მესაათე: ძალიან ბევრი ვეწვალე... ერთხანს, რომ იცოდე, რა ლამაზად უკრავდა...

ქალი: (სევდიანად ამოიხვნეშა) ამ მესაათეს სახელოსნო პატარა, მაგრამ რა სევდიანია-მეთქი, ვიფიქრე... ჩემს დატოვებულ კასეტას უყურე და შეაკეთე-მეთქი, გითხარი.

ქალაქის მესაათე სირცხვილისგან იწურება, იბუზება.

ქალი: კასეტას არ უყურე?

ქალაქის მესაათე: კასეტას? (არ უსმენდა, იბნევა) კარგად ვერა...

ქალი ბრაზდება.

მობეზრდა მასთან ყოფნა.

დგება. ბოლთას სცემს.

ქალი: მესაათე, შენ ჩემს საათს ზურგი შეაქციე.

ქალაქის მისაათემ: (გაოცებული, დარცხვნილი) მე არა...

ქალი: როგორ?

ქალაქის მისაათემ: ერთმა ყმაწვილმა... ერთხელ უყურა და მოჯადოვდა...

ქალი დამლაგებელი ქალის მიერ სადგარზე დადებულ გაზეთის ამონაჭრებს, სახეებს ამჩნევს. ჩაფიქრებული ხელს ამ გაზეთების, ჟურნალების, ფოტოსურათების გროვაზე უსვამს. გაზეთები, ქალაქის გროვა ქალს ერთ დროს ნანახ ფოტოსურათებს, გაზეთებს ახსენებს. ჩაფიქრებულია.

ქალი: როგორი ყმაწვილია?

ქალი ზედა სართულზე ამაველი კიბის თავში დგას... ქალაქის მესაათეს უსმენს, თითქოს რაღაცას ახსენებს მისი მონაყოლი... რაღაც შინაგანი გრძნობით კიბის ზემოთ იყურება...

ქალაქის მისაათემ: არ მიბრუნებს... აქაური არ არის... ერთხელაც არ მოუშორებია თავიდან... სულ უყურებს... ყოველთვის...

ქალი უცებ გონს მოეგო. ქალაქის მესაათემ მას ოცნებები დაუმსხვრია... საათს უკანასკნელად უყურებს...

ქალი: ძალიან ბევრ ადამიანს გაახსენებდა
დავიწყებულ სიზმრებს...

ქალმა გადაწყვეტილება მიიღო, სასტუმროდან გადის.
კარების წინ გაჩერებულ ცისფერ მანქანასთან მიდის.
ქალაქის მესაათე თავს დამნაშავედ გრძნობს, სტაკებს
ხელს საათს, ქალს დაედევნება.

მანქანის წინ ქალს ეწევა.

ახოვანი კაცი ქალს მანქანის კარს უღებს.

ქალაქის მმსაათემ: ისე კი, სულ არ დამ-
ვიწყებხართ... კასეტას ახლავე მოვიტან, მალე,
ძალიან მალე...

ქალი: (დაინტერესდა) მალე?

ქალაქის მმსაათემ: დიახ, ძალიან მალე...
მთელი დღეები უყურებს ყმაწვილი... სულ უყ-
ურებს... ელოდება...

ქალაქის მესაათე დელავს, როცა ხვდება, რომ ქალი
სადაცაა მანქანაში უნდა ჩაჯდეს...

ქალაქის მმსაათემ: (უმწეოდ) ჩემს სა-
ხელოსნოში მობრძანდით... ახალი საათი მაქვს,
სხვა, ძალიან ლამაზი...

ქალი მანქანაში ჩაჯდა.

ქალი: როგორი საათია?

ქალაქის მესაათე დელავს, ქალი რომ ვერ შეჰყავს
სახელოსნოში.

ქალაქის მმსაათემ: ძალიან ლამაზია! ნახეთ...

ქალაქის მესაათე აღელვებული მეორე კარიდან ჯდება მანქანაში... მანქანა დაიქოქა და ნელ-ნელა თვალს მიეფარა...

კამერა ნელი მოძრაობით სასტუმროს ერთ ფანჯარას აჩვენებს. ეს ის ფანჯარაა, ფოტოგრაფი თვეების განმავლობაში რომ იჯდა და ქალს ელოდა... მაგრამ იმ წერტილიდან, სადაც ფოტოგრაფი იჯდა და მესაათეს სახელოსნოს უყურებდა, ქალის მანქანა არ ჩანს.

ფოტოგრაფმა ქალის მანქანა მხოლოდ მაშინ შენიშნა, როცა იგი მესაათეს მიუახლოვდა. დაინახა თუ არა ცისფერი მანქანა სახელოსნოს წინ, ფოტოგრაფი აღვა.

ახლა ფანჯრიდან უკეთ არჩევს.

ცისფერ მანქანას უყურებს, რომელიც სახელოსნოს უახლოვდება, თვალს არ უჯერებს, მოჯადოებულებით უყურებს...

ქალაქის მესაათე მანქანიდან გადმოდის, სახელოსნოს წინ ქალს ელოდება.

ქალს ახმაზი კაცი უღებს კარს. მანქანიდან გადმოდის, მესაათეს სახელოსნოს უახლოვდება.

ქალი სახელოსნოს კართან წამით ყოვნდება...

ქალაქის მესაათე, ალბათ, რაღაცას ეუბნება...

ქალი ინტუიციით ბრუნდება, სასტუმროს უყურებს. სასტუმროს ფანჯარაში ხედავს ფოტოგრაფს, რომელიც მას უყურებს.

ქალი უკან ბრუნდება, სასტუმროსკენ მიდის... მზერა სასტუმროს ფანჯრისთვის მიუპყრია.

ქალიც ისე გამოიყურება, თითქოს ნანახს არ უჯერებსო, მაგრამ თან სახეზე ისეთი გამოძეტყველება აქვს, თითქოს ამას ელოდა და იცოდა, რომ ასე მოხდებოდა. პირდაპირ ფოტოგრაფისკენ მიდის, რომელიც მას უყურებს. ტროტუარიდან ჩამოდის, სასტუმროსკენ ერთ-ორ ნაბიჯს ღვამს.

ქალი და ფოტოგრაფი ერთმანეთის პირისპირ დგანან. ქალის სახეზე თანაგრძნობა, ტკივილი, სიყვარულია... ფოტოგრაფი გაოცებული სახით უყურებს ქალს ფანჯრიდან.

ხელებით მინას მთელი ძალით ეყრდნობა.

ქალისკენ იწევა და ფანჯრის მინა ტყდება.

ქალი ერთხანს ღვას. მიხვდა საქმის ვითარებას... ბრუნდება, სწრაფი ნაბიჯებით მანქანისკენ მიდის.

ქალი: მივდივართ.

ქალაქის მესაათე დიდ, ლამაზ საათს დაბლა დებს. მირბის, ცდილობს ქალს გზა მოუჭრას, შეაჩეროს.

ქალაქის მესაათე: რა მოხდება, რომ არ წახვიდეთ! თვეებია, რაც იქ გელოდებათ... რა იქნება, რომ არ წახვიდეთ. კასეტაც მას აქვს... ახმაზი კაცი მესაათეს ხელს ჰკრავს.

ფოტოგრაფი სწრაფად ჩამორბის კიბეზე, რომ ქალს მიუსწროს.

ქალი მანქანაში ჩაჯდა.
ახმაზი კაციც ჯდება...
მანქანის ძრავა ამუშავდა.

ქალაქის მმსაატიმ: მოდის... არ წახვიდეთ,
დაელოდეთ!

ცისფერი მანქანა მიდის...

მანქანა რომ იქაურობას ოდნავ მოშორდა, სასტუმროს
კარებში ფოტოგრაფი გამოჩნდა. მანქანისკენ რამდენიმე
ნაბიჯი უიმედოდ გადადგა...

სახელოსნოსთან, ქალაქის მესაათეს რომ მიუახლოვდა,
გაჩერდა.

ფოტოგრაფი: საით წავიდნენ?

ქალაქის მესაათეს, ჩანს, მობეზრდა.

ქალაქის მმსაატიმ: არ ვიცი.

ფოტოგრაფი გარშემო უმწეოდ იყურება.
მიწაზე დაჭმუჭნილი ქალაღლი... იხრება, იღებს.

ფოტოგრაფი: ეს რა არის?

ქალაქის მმსაატიმ: მე რომ ხელი მკრა, ის
ხეპრე ჭამდა... შაქარლამაა...

ფოტოგრაფი შაქარლამის ქალაღლდს ხსნის. შიგნით
დაწერილ მისრებს კითხულობს.

ფოტოგრაფი: არ შეჩერდე, წადი ქვეყნად
გულისა, დადე სული გასასვლელთან გულისა.

ფოტოგრაფმა შაქარლამის ქალაქი გადმოატრიალა.
საათიანი კოშკი ახატია. ქალაქის სიმბოლო...

ფოტოგრაფი: საათის კოშკი!

ერთმანეთს უყურებენ.

ორივე ერთსა და იმავეზე ფიქრობს.

ქალაქის მესაათე ფოტოგრაფის ჩანაფიქრს ხვდება.

ქალაქის მესაათე: არ წახვიდე. ნუ გაერევი
ამ საქმეში...

ფოტოგრაფი არ უსმენს...

სწრაფად შორდება.

ღამე.

ფოტოგრაფი ავტობუსში ზის.

ავტობუსი სიბნელეში მიდის.

ფოტოგრაფი შიგნითაა.

შუქზე შაქარლამის ქალაქზე კოშკს უყურებს.

საათიანი კოშკის ხელი.

გულთა ქალაქი

გულთა ქალაქის მთლიანი ხედი...

წინ, გორაკზე, საათის კოშკი, უკან — ქალაქი.

ფოტოგრაფი ქალაქის ქუჩებში დადის.

ერთ კუთხეში შეუხვია.

პირდაპირ საათის კოშკს მიადგა.

კოშკის ხედი...

ფოტოგრაფი სხვა ქუჩაზე მიდის. ისევ საათის კოშკს მიადგა, ჩერდება.

კიდევ უფრო შორს, სხვა ქუჩაზე მიდის.

თითქოს განერვიულებულია, მოუსვენრადაა. მოტრიალდა, ისევ საათის კოშკი დაინახა, უფრო აღელდა. ერთ ქუჩაზე, დუქნის წინ მეჯალამბრე მუშაობს. ფოტოგრაფი მიუახლოვდა.

ფოტოგრაფი: ამ ქალაქში თუ არის ისეთი ქუჩა, საიდანაც საათის კოშკი არ ჩანს?

მეჯალამბრე: არა. ერთადერთი ადგილი, საიდანაც შეიძლება ვერ დაინახო იგი, თვითონ საათის კოშკია...

კოშკის ხედი ქუჩებიდან.

ფოტოგრაფი კოშკს უყურებს.

ფოტოგრაფი: მესაათე არის აქ სადმე?

მეჯალამბრე: პირდაპირ და მარჯვნივ...

ფოტოგრაფი ქალაქის განაპირა უბანში მიდის. ერთ კუთხესთან ჩერდება, ერთხანს დგას, გაოცებულია. კედლის აფიშა, ძირს დაგდებული საგზაო ნიშანი, ბადეში – ბურთები... ეს ყველაფერი ქალაქთა ქალაქში მესაათეს სახლოსნოს ქუჩის ასოციაციას იწვევს. ქალის სიზმრისეული ცისფერი მანქანაც ცოტა წინ დგას, ტროტუართან მიუყენებიათ. ფოტოგრაფი მანქანას უახლოვდება, მოჯადოებულივითაა.

ფოტოგრაფი მანქანაში ჩაჯდა. რადიოში ტალღებს ეძებს. სარკეზე დაკიდულ თილისმას ეხება. იქვე ბავშვი „კლასობანას“ თამაშობს. მეძველმანე ისე ყვირის, რომ ქალაქთა ქალაქი გახსენდება.

მეძველმანე: მეძველმანე! ძველ ნივთებს ვყიდულობ! მეძველმანე!..

უცებ, მანქანის მარცხენა მხარეს ქალი გამოჩნდა, ჩაიარა. მტკიცე ნაბიჯით მიდის ქუჩაში.

ფოტოგრაფი გაოცებული და გაოგნებული უყურებს ქალს.

გადმოდის მანქანიდან, ქალს მისდევს.

როგორც რომელიღაც სიზმარში, ვიდრე ქალს დაეწეოდა და გააგებინებდა თავის არსებობას, უკან მისდევდა.

რალაც დაინახა, წამით გაჩერდა.

კუთხიდან მესაათე გამოდის. პირდაპირ ქალისკენ მიდის.

ხელში შეკვრა უჭირავს.

ტროტუარის ნაპირთან ხედებიან ერთმანეთს.

მესაათე შეკვრას ქალს აჩვენებს.

ფოტოგრაფი მათ კარს ამოფარებული აკვირდება.

ქალი და მესაათე ერთად ხსნიან შეკვრას.

ქალი ყუთში ხელით რაღაცას ეხება. ქალი და მესაათე ისე იქცევიან, ისეთი ყურადღებითა და ცნობისმოყვარეობით უყურებენ ყუთის შიგთავსს, როგორც თანამზრახველები, რომელთაც ერთნაირად აკისრიათ პასუხისმგებლობა.

ფოტოგრაფი დათრგუნული, რაღაც ტკივილით ადევნებს მათ თვალს. აშკარად ჩანს, რომ ქალსა და მესაათეს შორის ისეთი სამყაროა, სადაც ფოტოგრაფი ზედმეტია.

როცა ფოტოგრაფმა დაინახა ის საგანი, რომელსაც ქალი და მესაათე მოწიწებითა და დაჟინებით უყურებდნენ, მათ შორის სატვირთო მანქანამ გაიარა. მანქანა ზუსტად იმ მანქანასავით წითელია, რომლის გამოც ქალაქთა ქალაქში ქალმა მესაათე მხედველობიდან დაკარგა.

სატვირთო მანქანამ გაიარა. ქალი და მესაათე აღარ ჩანან.

ფოტოგრაფი გაოცებულია. ხედავს, როგორ იკეტება რომელიღაც სახლის კარი. იმ სახლისკენ მირბის, აკაკუნებს.

კარი იღება, მოხუც დეიდას ხელში სპილენძის ჩამჩა უჭირავს.

მოსუცი დეიდა: აა, შენ მერძევე არა ხარ?

ფოტოგრაფი: აქ ვილაცები შემოვიდნენ!

ფოტოგრაფი ფეხის წვერებზე აწეული ათვალეირებს თათხს, მაგრამ ვერავის ხედავს...

მოსუცი დეიდა: ვისი ხარ, შვილო?

ფოტოგრაფი ცდილობს, გაიგოს, სად შეიძლებოდა გამქრალიყვნენ ქალი და მესაათე.

სხვა მხარეს მირბის.

ცარიელ ქუჩას მიუყვება.

კვლავ მეორე მხარეს ბრუნდება.

ვერავის ხედავს. უკან ბრუნდება.

სხვა ქუჩაზე გადადის...

წინ ხედავს, როგორ შედის მესაათე რომელიღაც სახლში.

სწრაფი ნაბიჯით მიდის იმ კარისკენ.

ყურადღებით, ნელ-ნელა შედის შიგნით.

კარი ბაღში გადის.

ფოტოგრაფმა რამდენიმე საფეხური ჩაიარა. ხეებსა და მცენარეებს შორის მიდის.

ხედავს მესაათეს, რომელიც ზურგში მოხრილი ზის. მის პირდაპირ ვილაცაა. ზუსტად ამ დროს ფოტოგრაფი გატეხილ ნათურას ადგამს ფეხს. სმაურზე წყვილი შეშინდა.

უკან იხედებიან.

ესენი ქალი და მესაათე არ არიან... დიდი-დიდი ფარულად შეყუჟული შეყვარებულები თუ იქნებიან.

ფოტოგრაფი ხვდება, რომ ისევ დაკარგა ქალი და მესაათე.

იმედგადაწურული და დაბნეულია. უკან ბრუნდება. ქუჩაში ისევ ის გოგო, ქალაქთა ქალაქში მესაათეს დუქნის წინ ქუჩაში რომ თამაშობდა, იმ გოგოსავით თამაშობს „კლასობანას“.

ბადეში ჩაყრილი ბურთები დუქნის კუთხეში ისევ ისე გდია. გრძნობა-გონების ამრევი ჯადოსნური წამი...

შუადღე.

ფოტოგრაფი მარტოა სამიკიტნოში. მაგიდები შეგროვებულია, სკამები მაგიდებზეა შემოწყობილი.

ოფიციალტი ალაგებს, სკამებს მაგიდაზე აწყობს.

ფოტოგრაფი მაგიდასთან დაღლილი, გასავათებული ზის. წინ რახის ბოთლი უდევს.

ფოტოგრაფს უახლოვდება, ყურში ეჩურჩულება, თითქოს ბოდიშს იხდისო.

ოფიციალტი: ვიკეტებით!

ღამე.

ფოტოგრაფი გულთა ქალაქის ცარიელ და ჩაბნელებულ ქუჩებში მარტოდმარტო დახეტიალობს.

დარდის, მარტოობისა და უსასოობის განცდა.

როცა ერთ კუთხეში შეუხვია, საათის კოშკი მოჩვენებასავით აღიმართა წინ. საათის კოშკს გაოცებული და შეშინებული უყურებს...

დილა.

ღამენათევ ფოტოგრაფს თავი მაგიდაზე უდევს და სძინავს. ყავახანაში დღე დაიწყო — პირველი ჩაის მსმელები, სიგარეტის მწვეკვლები, მოლაყბეები...

შორეული გულთა ქლაქის ადამიანები... გაჭირვებული, დაღლილი, გაუპარსავი ადამიანები...

კედლებზე პეიზაჟები, ძველი მოჭიდავეების პლაკატები... სასეირნო ამინდია...

საგაზეთო ქუდში, რომელსაც ერთი მოხუცი კითხულობს, წერია: ჩინეთი თავს დაესხა იაპონიას...

მძინარე ფოტოგრაფს მაგიდის ნჯღრევა აღვიძებს. მის მაგიდასთან თავმომწონე გამომეტყველებით ფარაჯიანი და ცისფერკოსტიუმიანი კაცი დამჯდარა. მიხვდა, რომ ფოტოგრაფი გააღვიძა, იღიმება.

ცისფერკოსტიუმიანი კაცი: დილა მშვიდობისა... (ჩაის მომთან ბიჭს) ორი მაგარი ჩაი...

ჯიბიდან წერილს იღებს, უხმოდ კითხულობს.

ბიჭს ჩაი მოაქვს, მაგიდაზე დებს.

ცისფერკოსტიუმიანი კაცი ჯიბიდან ბლითს იღებს. ორად ყოფს, ნახევარს ფოტოგრაფს უწვდის.

ფოტოგრაფს არ უნდა, არ ართმევს. ჩაიში შაქარს ურევს.

ცისფერკოსტიუმიანი კაცი, ამის გამო, გუნება გაუფუჭდა. ისე საუბრობს, თითქოს ჭკუას არიგებს, გაკვეთილს უხსნის.

ციხეშვილი: სევდას თუ არ შეეძლო, მთელი ცხოვრება თავს არ დაგანებებს... საშიშ დაავადებას ჰგავს... თავი თუ მოუხარე, ადგილზე გაგათავებს კაცს... (ერთი ყლუპი მოსვა) ამაზე წლების მანძილზე ვმუშაობდი!

კმაყოფილია წაკითხული ლექციით. დგება.

ციხეშვილი: დღეს ჩემი სულის გადარჩენის დღეა!

იხრება, გვერდით სკამიდან დიდი მაგიდის საათს იღებს და სადღეღამისო ყავახანიდან გადის.

ფოტოგრაფი არ ინძრევს. ვიტრინიდან ხედავს, როგორ შორდება მას ილლიაში საათამოხრელი ყავახანიდან გასული კაცი, თითქოს ფხიზლდება. ყოყმანობს. სწრაფად დგება, უკან მისდევს.

ყავახანიდან გამოსული ფოტოგრაფი ერთ-ერთი ქუჩის კუთხეში უხვევს, ცისფერკოსტიუმიანი კაცი უკვე წინ, განიერი ქუჩის ბოლოშია. ილლიაში საათამოხრელი კაცმა კუთხეში შეუხვია და გაუჩინარდა.

ფოტოგრაფი უხმოდ მივლის, მას მისდევს.

ფოტოგრაფი ხედავს, როგორ შედის ცისფერკოსტიუმიანი კაცი ერთ-ერთ ეზოში. ცდილობს, არ დაკარგოს მხედველობიდან. სირბილით მისდევს.

ციხეშვილი: ცისფერკოსტიუმიანი კაცი გულთა ქალაქის განაპირა უბანს აღწევს, აღმართზე ადის, კუთხეში უხვევს, შემდეგ მტკიცე ნაბიჯით სხვაგან უხვევს.

ფოტოგრაფი მას ფეხდაფეხ მისდევს... გარშემო სიცარიელეა... ისმის ძაღლების ყეფა.

ფოტოგრაფი ერთი კუთხიდან უთვალთვალებს, ხედავს, როგორ მიუახლოვდა ცისფერკოსტიუმიანი კაცი განიერი ქუჩის ბოლოში ერთ კარს.

კარი ღიაა. ცისფერკოსტიუმიანი კაცი შიგნით შედის. კარებში ამჯერად ახოვანი კაცი ჩანს.

ფოტოგრაფი კუთხეში იმალება. ახოვანმა კაცმა ქუჩა მოათვალიერა და შიგნით შევიდა. ფოტოგრაფი გამოდის სამალავიდან და პირდაპირ კარებისკენ მიდის. ფოტოგრაფი კარებს უახლოვდება. კარებზე საათის ციფერბლატი ჰკიდია. ფოტოგრაფი გამბედაობას იკრებს და კარზე აკაკუნებს. უკვე მიიღო გადაწყვეტილება. ისევ აკაკუნებს.

ღია კარში ახოვანი კაცი გამოჩნდა. ისეთი შეგრძნებაა, თითქოს ვიღაც გემუქრება, გაშინებს.

ახოვანი კაცი: ღიახ?

ფოტოგრაფი ერთხანს შეყოვნდა.

ფოტოგრაფი: გულის გადასაშლელად მოვედი... (ერთხანს ფიქრობს) საათებზე... ამბავი მაქვს...

უცებ ფოტოგრაფს ახსენდება, ეს ახოვანი კაცი, უცხოთა ქალაქში ქალთან ერთად რომ ნახა, ის არის.

ახოვანი კაცი: საიდან?

ფოტოგრაფი გაბედულად ლაპარაკობს...

ფოტოგრაფი: შორიდან... გულთა ქალაქიდან...

გულთა სახლი

ახოვანი კაცი ფოტოგრაფს შიგნით უშვებს. კარი იხურება.

ახოვანი კაცი და ფოტოგრაფი უკანა კიბეებით ბაქანზე გადიან... ახოვანი კაცი გზას უჩვენებს, ფოტოგრაფი ოთახში შედის.

აღელვებული ფოტოგრაფი ცდილობს, გაერკვეს, რა ხდება ოთახში. ოთახში ათი-თორმეტი კაცი ზის... კაცები, რამდენიმე ქალი, სოფლურად ჩაცმული ადამიანები, პატარა მოხელეების გამოძეტყველებით... დარდიანები, სევდიანები, უიმედონი, მოხუცები... ყველას საკუთარი საათი მოუტანია.

იცდიან.

ფოტოგრაფი აღელვებული და შეშფოთებული საცდელ ოთახში ბოლთას სცემს. შემოსასვლელ კარს უყურებს.



ახოვანი კაცი ვერ დაინახა და ოთახიდან გავიდა. ფოტოგრაფი ისევ კიბის ბაქანზეა. აქ კიბეებს ხედავს. მის წინ ისევ კარია. ერთხანს ყოყმანობს, შემდეგ ზევით ამავე კიბეს ირჩევს.

ნელ-ნელა ადის. ღია კარის ზღურბლიდან შიგნით იყურება. გოცმებულია, ყურადღებით ათვალიერებს ოთახს...

მესაათე მაგიდასთან მილურსმულივით ზის.

მაგიდის გადასაფარებელი და მესაათეს უკან ფარდა ფოტოგრაფს უცხოთა ქალაქში ვიდეო-კასეტაზე ნანახს ახსენებს.

მესაათეს წინ კამერა, კამერის უკან კი, ვიღაც ჩამწერის ზურგი მოჩანს. რაღაც ანათებს.

მესაათე ერთხანს ფიქრობს.

კამერის წინ საუბარს მიჩვეული ადამიანივით, თავისუფლად ჰყვება.

მესაათე: ჩვენს სახეზე დაკარგულ აზრს მხოლოდ გახსენებით ვიპოვით... დაკარგული ლამაზი დროის პოვნით... ტკივილის გახსენებით... მოყოლით... ჩვენს სულში არსებული ფარული საათის ჩარხების მოძებნით... საათის დამახსოვრებით...

ლაპარაკი რომ დაამთავრა, მობრუნდა. მაგიდასთან მიიპატიჟა მოხუცი, რომელიც საათით ხელში თავის რიგს ელოდა.

მესაათე: მობრძანდით.

მესაათე ადგილს უთმობს მოხუცს და პატარა სარეგისტრაციო ოთახიდან გადის.

კამერას უახლოვდება, გადასაღებად ბრძანებას აძლევს.

მისაათი: (ხანში შესულ კაცს ეკითხება)

მზად ხართ, ბატონო? (ოპერატორს) დაიწყეთ.

ხანში შესული კაცი მაგიდასთან ხელოვნურად დაჯდა, ის მაგიდის საათი, ხელში რომ ეჭირა, წინ დაიდო. მღელვარე, გაბზარული ხმით ღარღის, ამბის მოყოლას იწყებს.

ხანში შესული კაცი: ცხოვრებაში ყველაზე მეტად ჩემი ქალიშვილი მიყვარდა... ყველაზე მეტად... ჩემი გოგონა... მაგრამ, მანაც ზუსტად დელამისივით, ერთ დღეს დამტოვა და წავიდა... ერთ დღიას, რომ გავიღვიძე... გავხედე, ოთახი ცარიელია... სულ ცარიელი...

მესაათე კამერის პატარა ეკრანზე გამოსახულებას თვალს ადევნებს... მერე კამერის ზურგს ეფარება და გადასაღებ მოედანს ტოვებს.

მისაათი: (ოპერატორს ეჩურჩულება) გააგრძელეთ...

ფოტოგრაფმა დაინახა, რომ მესაათე ოთახიდან გავიდა. მოუსვენრად ადგილს იცვლის. მესაათე, ცოტა ხნის წინ ფოტოგრაფი რომ იმალებოდა, იმ ბაქანზე დგას. თითქოს რაღაცაზე ეჭვიანობს.

ქალაქთა ქალაქში დუქნიდან რომ გამოვიდა, აქაც იგივე მოძრაობით ზედა ჯიბეში რაღაცას დაუწყო ძებნა.

მიდის, გარეთ გადის.

აღელვებული ფოტოგრაფი მესაათესგან გარბის, სხვა ოთახში შედის.

იქაც, ისევე, როგორც პირველ ოთახში, თავიდან ვერ ხვდება, რა ხდება.

მოგრძო ოთახში რაღაც საუბარი ისმის... ფოტოგრაფი ცდილობს, გაიგოს ლაპარაკი, მონუსხულივით დგას, ლაინტერესებული შედის ოთახში. მწკრივში დალაგებულ სკამებზე მთხრობლებს, დარდიანებს, სევდიანებს უყურებს. ყოველი ადამიანის წინ, ზუსტად ისე, როგორც გადასაღებ მოედანზე, თითო მაგიდა, მაგიდაზე კი, თითო საათი დგას.

ყველანი სათითაოდ თავის ამბავსა და სადარდელებზე ყვებიან, გულს შლიან... ფოტოგრაფი ოთახში შედის, სათითაოდ ისმენს ამბავს.

პირველ მაგიდაზე 50-55 წლის სქელულვაშიანი მუშა ზის. წლობით ნამუშევარი, მოტეხილი. ტანსაცმელი გახუნებული, სადა და სუფთა...

„იმიტომ რომ ჩემს ენაზე ვერ ვლაპარაკობ... როცა ჩემს საკუთარ ენაზე ვლაპარაკობ, სხვის ენაზე ლაპარაკობსო, ამბობენ... მე კი, კიდევ ერთი განცხადება დავწერე... რადგან საკუთარ ენას ვერ ვივიწყებდი... რადგან, თუ ჩემი ენა დავივიწყე, მაშინ სხვის ენას საერთოდ ვერ გავიხსენებ... კიდევ დავწერე განცხადება... რადგან ჩემს დარდს ვერ ვყვებოდი... ჩემი დარდი რომ მომეყოლა...“

გვერდით მაგიდაზე შუახნის თავსაფრიანი დიასახლისი თავის ამბავს ჰყვება:

„ხის ქვეშ რომ წყაროა, იმასა და ჩემს სამზარეულოს ფანჯარას შორის, გრძელი აღმართია... მაგრამ, სამზარეულოს ფანჯრიდან ამ წყაროს

მაინც ვხედავ. წყარო ქვევით არის. წყლით
სავსე სათლებით აღმართზე რომ ავალ, ვფიქრობ,
სახლი დაღმართშია-ნ თქი... აღმართს სავსე
სათლებით კი არა, ცარიელებით შევუდგებოდი
ხოლმე“.

მესამე მაგიდასთან ერთი ახალგაზრდა ზის, რაღაცით
ფოტოგრაფს ჩამოჰგავს. ეტყობა, რომ ქალაქელია.
თავის ამბავს ჰყვება:

„წუხელ ისევ გნახე სიზმარში. ადამიანს ჩემ-
სავით რომ უყვარდეს ვინმე, მაშინ ასევე
იოცნებებდა სიყვარულზე... ამ იმედით ცხოვ-
რობს... საკუთარი ღირსების შეგნებით ცხოვ-
რობს... ჩანს, სიზმარში ჩვენ ერთნი ვართ...“

მეოთხე მაგიდასთან ფოტოგრაფი, ყავახანაში რომ
ნახა, იმ ცისფერკოსტიუმიან კაცს ხედავს.

დიდი საათი მაგიდაზე დაუდვია. ჰყვება.

ცისფერკოსტიუმიანი კაცი: დარდს არ
განვიახლებ-მეთქი, ვთქვი და წლების მანძილზე,
სალამობით, მზე რომ ჩავიდოდა, ყავახანაში
მივდიოდი... დილაობით კი, სანამ დარდი მო-
მაწვებოდა, მაშინვე საქმეს შევუდგებოდი...
წლობით...

ცისფერკოსტიუმიანმა კაცმა ფოტოგრაფი დაინახა,
ისე უღიმის, თითქოს მეგობარი დაენახოს.

ცისფერკოსტიუმიანი კაცი: ვიცოდი, რომ
მოხვიდოდი... მოდი, დაჯექი...

დგება, ფოტოგრაფს, რომელიც ჯერ კიდევ ჭოჭმანობს,
მხარზე ადებს ხელს და მაგიდასთან სვამს.

მაგიდასთან ჯდომა ფოტოგრაფს აღელვებს. ერთხანს უსმენს ახლაგაზრდას, რომელიც გვერდით მაგიდასთან ზის და გულს შლის.

ცისფერკოსტიუმიანი კაცი: შენი საათი სად არის?

ფოტოგრაფი იბნევა, მერე მამის საათი ახსენდება. საათს გულის ჯიბიდან იღებს.

ცისფერკოსტიუმიანი კაცი: საათი გულთან ახლოს მიიტანე, რომ შენმა სახემ ილაპარაკოს...

ფოტოგრაფი ყურადღებით უყურებს მამის ძეწკვიან საათს და იხსენებს... უკვე მზად არის გულის გადასაშლელად.

ახოვანი კაცი განიერი ოთახის კარებს აღებს და შემოდის, მაგიდასთან მსხდომ დარდიან ამბის მოხრობელებს აკონტროლებს.

ფოტოგრაფისა და ცისფერკოსტიუმიანი კაცის მაგიდასთან მიდის და ჩერდება...

ცისფერკოსტიუმიანი კაცი: გულის გადასაშლელად მოემზადე!..

ტყავის კოსტიუმიანი ახოვანი კაცი წინ, უკან ფოტოგრაფი. ისინი გულთა სახლის უცნაურ კორიდორში გადიან.

კიბეზე ჩადიან, კორიდორი გაიარეს, სადაც საათების წიკწიკი ისმის. ახლა სხვა კიბით ჩადიან.

ლაბირინთივით უცნაური და გაურკვეველი ადგილია. მისაღებში, კიბეებზე, კორიდორში საათები მარტო-მარტო, თავისთვის წიკწიკებენ.

კორიდორში გასვლისას ფოტოგრაფი ღია კარში იხედება.

მესაათე მაგიდის თავში ზის და მუშაობს. ხელში საათი უჭირავს, საქმეში ჩაფლულა. უკვე შეჩვეული ახალ ცხოვრებას, თითქოს კმაყოფილია, თავს კარგად გრძნობს. წამით ჩერდება, შეხედა ფოტოგრაფს, რომელიც კარებში დგას და მას უყურებს... მაგრამ ფოტოგრაფი არ ახსოვს. წამით შეჩერებული ფოტოგრაფი კი ისევ ახოვან კაცს დაედევნა.

ფოტოგრაფი გადასაღებ ოთახში შევიდა და მაგიდასთან დაჯდა. მის წინ კამერა დგას... ნათურები აინთო, ზემოდან ძლიერი შუქი ეცემა.

ღრმად სუნთქავს, ალბათ არ იცის, როგორ დაიწყოს თავისი ამბავი. შემდეგ, მოყოლისას, ხმა თანდათან მგრძნობიარე უხდება, თანდათან ახსენდება, თითქოს უფრო ფხიზლდება ...

ფოტოგრაფი: ოდესღაც... ოდესღაც ერთმა ლამაზმა ქალმა ვიღაც ჭაბუკი დაკარგული განძის საძებნელად გააგზავნა... ლამაზ ქალს განძის საიდუმლოების შესახებ მამისგან ჰქონდა გაგონილი, რუკა სახეებზეაო, – ეუბნებოდა თურმე მამა... ჭაბუკიც ქალის ნაამბობის საძებნელად, სახეებად რუკა რომ ჰქონდათ, იმათ შეერია... ქალაქ-ქალაქ იხეტიალა, მკვდარი ქალაქები, დაკარგული ადგილები მოიარა... (წამით ჩერდება, ფიქრობს, თვალები ცრემლით ევსება)



ერთ დღეს, როცა დავიწყებულთა შორის თვითონაც დაიკარგა, მიხვდა, რომ ლამაზი ქალი გაქრა... თავისი სახეც რომ რუკა იყო, მაშინ შეამჩნია. მიხვდა ჭაბუკი, რომ მას განძის კი არა, იმ საიდუმლოებით მოცული ქალის ძებნა დაუწყია... ერთ დღეს ერთ ქალაქში მივიდა... სადაც არ უნდა წასულიყო, საათის კოშკს ხედავდა და იგრძნო, რომ ქალიც აქ იქნებოდა...

კადრში სიბნელიდან გამოსული ქალის სახე ჩნდება. თანაგრძნობით სავსე სახე.

მგრძნობიარე გამომეტყველება...

ფოტოგრაფს კიდიდან უყურებს და უსმენს.

ფოტოგრაფი: მე მიყურებსო, ფიქრობდა... და მაშინ მიხვდა, რომ იმ უბედური ცხოვრებიდან მხოლოდ ქალის ხედვით შეძლებდა

გამოსვლას... რადგან ახალგაზრდას სულ ის ქალი ესიზმრებოდა... და ყოველთვის თვალცრემლიანი იღვიძებდა... ის უყვარდა. საკუთარი დაკარგული სულის ძიებასავით უყვარდა.

ქალს შეწუხებული გამომეტყველება აქვს.

ფოტოგრაფი ინსტინქტურად თავს წევს და ხედავს ქალს, რომელიც მას უყურებს. გაოგნებულია.

ქალი აფორიაქებულია.

ფოტოგრაფს მზერას არ აშორებს, ნელ-ნელა უკან იხევს და სიბნელეში ქრება. ფოტოგრაფი მაგიდიდან დგება, ქალის დაკარგული გამოსახულებისკენ მიდის. მის წინ კარი იღება. ქალის სახეს ამ კარის ფანჯრიდან ხედავს... კარს აღებს.


ქალი უცნაურად განათებულ ოთახში შედის. ფოტოგრაფს შორდება. სიზმრისეული გარემო... ქალი გრძნობს, რომ ფოტოგრაფი მისდევს, ჩერდება და ბრუნდება.

ფოტოგრაფი ვერ აკონტროლებს თავის ხმას, ისე ლაპარაკობს.

ფოტოგრაფი: ვიცოდი, რომ გიპოვიდი...

მათ შორის მანძილი 7-8 ნაბიჯია, მაგრამ ქალი თითქოს მაინც ძალიან შორსაა. საათის წიკწიკი...

ქალი: არა, ძვირფასო, შენ სულ არაფერი იცი... ფოტოგრაფი, ალბათ, ქალს მიუახლოვდებოდა, მაგრამ ფენის ხმა ისმის — უკან ტყავის კოსტიუმიანი ახოვანი კაცი გამოჩნდა. თითქოს ქალს იცავსო...



ქალი: წადი აქედან, ახლავე...

ფოტოგრაფი ვერ შორდება, მაგრამ ახოვანი კაცი ისე უახლოვდება, თითქოს ემუქრებოდეს. ფოტოგრაფს არ უნდა, მაგრამ უკან იხევს... ქალი ფოტოგრაფს სევდიანად უყურებს, ბრუნდება, წამით ჩერდება. ფოტოგრაფი და ახოვანი კაცი გასასვლელისკენ, კიბეზე ჩადიან. კარისკენ მიემართებიან.

ფოტოგრაფი წამით ჩერდება, მაგრამ ახოვანი კაცი რომ აქ არის, ამას ცხადად გრძნობს.

ფოტოგრაფი გულთა სახლის კარებს აღებს და ვარეთ გადის.

ახოვანი კაცი კიბის თავში გაუნძრევლად დგას და მას უყურებს. ჯიბიდან შაქარლამას იღებს და პირში იკვებს...

საათის კოშკი

გულთა სახლიდან გამოსული ფოტოგრაფი კვლავ საათის კოშკს ხედავს. საათის კოშკის ხედი გულთა ქალაქის სახურავების ფონზე...

ფოტოგრაფი საათის კოშკს გატაცებით უყურებს. უცებ თავში რაღაც აზრმა გაუელვა, კოშკისკენ მიდის. ფოტოგრაფი ქალაქის განაპირა რაიონში, ძველ სახლებს შორის, ერთ გორაკზე მიბობლავს... გორაკზე საათის კოშკი ისე ჩანს, თვალს ვერ მოსწყვეტ...

ფოტოგრაფმა გორაკის თავს მიაღწია, მტკიცე ნაბიჯით უახლოვდება საათის კოშკს. კარს მიუახლოვდა. ხელის კვრით აღებს.

შედის. შიდა კიბით საათის კოშკის პირველ სართულზე აღის.

გაბმული წიკწიკი.

საათის უზარმაზარი კბილანები, მისი სიმძიმე...

ფოტოგრაფი უყურებს ნელ-ნელა მოძრავ საათის დიდ ისარს.

კოშკში არავინაა. მეორე სართულზე კედელში გამოკვეთილი კიბეებით ფრთხილად აღის. მეორე სართულის ფანჯრის გისოსებიდან გულთა ქალაქი მოჩანს.

ფოტოგრაფი ახლა ქალაქის იმ ერთადერთ წერტილშია, საიდანაც საათის კოშკი არ ჩანს.

ქალაქის მთლიანი ხედი.

საათის ჩარხი და ზამბარა ძლიერ ხმას გამოსცემს...

ფოტოგრაფი მეორე სართულზე, კუთხეში ტახტზე
წვება. ზედ უხეში გადასაფარებელია გადაფარებული...
მაგრამ საათის წიკწიკი არ აძინებს...

ფოტოგრაფი პირველ სართულზე ჩადის. საათის
მექანიზმს უახლოვდება. დიდ ისარს შუაში ავლებს
ხელს და საათი ჩერდება. თავგზისამბნევი, ბედნიერების
მომნიჭებელი მღუმარების წამი... ტრიალდება. კოშკის
დარაჯის მაგიდაზე სურიდან ჭიქას წყლით ავსებს
და სვამს.

ღამე. სიჩუმე.

საათის კოშკის ხედი გარედან.

საათის ისრები არ მოძრაობენ. საათი ხუთის ნახე-
ვარზეა გაჩერებული...

საათის მექანიზმი, კბილანები სიბნელეში უმოძრაოდაა
გაჩერებული. კოშკის დარაჯის მაგიდა, სკამი, სურა
სიბნელეში ისევე ღვას. ფოტოგრაფი ლოჯინზე მშვი-
ლად იძინებს.

გულთა ქალაქიდან ღამის კოშკის საათის ხედი.
ქალაქიც მღუმარეა. მხოლოდ განათების ყვითელი
სხივი ციმციმებს ქუჩაში...

დილა. ფოტოგრაფი დღის შუქზე იღვიძებს.

მოულოდნელად ზარის ხმა ისმის.

ფოტოგრაფი შეშინებული დგება. თითქოს ვერ ხვდება,
სადაა. ზემოთ, საათზე მიბმული ჩაქუჩი ზარს
ურტყამს...

ქვედა სართულზე ქალი საათის მექანიზმთან ღვას.

საათის მოსამართად ბერკეტს ატრიალებს. მექანიზმის სიმძიმის გადალახვით გამოწვეული ზამბარის უღარუნი. ქანქარის წიკწიკი.

ფოტოგრაფი ზემოდან ჩამოდის.

ქალი მას ხედავს, სრულიად არ უკვირს...

საათს მართავს.

ქალი: საათი რომ გაჩერდა, მივხვდი, აქ იქნებოდი... რატომ გააჩერე?

ფოტოგრაფი: დავიწყება მინდოდა.

ქალი: კარგად გეძინა?

ფოტოგრაფი: მეძინა, მაგრამ ვერ დავივიწყე...

შენ დამესიზმრე.

ქალი საათის მექანიზმს შორდება და კოშკის დარაჯის მაგიდასთან ჯდება. მაგიდაზე წამლის შუშა, მატარებლის ბილეთი და განრიგი დევს.



ქალი: მატარებლის ბილეთი, განრიგი... აქედან მატარებელი რომ არ გადის...

ფოტოგრაფი: ვიცოდი, რომ სიზმარში გნახავდი.

ქალი: (დარდიანი და მსუბუქი იუმორით) რას ვაკეთებდი შენს სიზმარში?

ფოტოგრაფი: ჩემი სახე ორივე ხელით გეჭირა... ჩემი ამბის დასასრული უნდა მოგეყოლა... მაგრამ ისევ შუა ძილში გამომეღვიძა...

ქალი ყურადღებით უსმენს.

ფოტოგრაფი ქალის პირდაპირ, პატარა მაგიდასთან ჯდება.

ფოტოგრაფი: ჩემი სიზმრის დასასრული მომიყვები... ერთხელ მაინც გავიღვიძებ მშვიდად...

ქალი: (ფიქრებში ჩაფლული) სიზმრები ვერასოდეს დასრულდება... ამბები დასრულდება... ამას წინათ ერთი კაცი მოვიდა, სახე ტკივილით ჰქონდა დამძიმებული... ლატარეის ბილეთების გამყიდველი იყო, ერთ ბილეთზე ქალის სახე უნახავს და ვერ დაუვიწყებია... მთელი ცხოვრება არეგია... დასცინოდნენ... სახეზე ისეთი გამომეტყველება ჰქონდა... მინდოდა მეთქვა, რომ გეპოვა ის... ნახატზე გამოსახული ქალი კი არა, ძიება რომ გყვარებოდა, ამის თქმა მინდოდა...

ღუმილი.

ფოტოგრაფი: ისევ ძველებურად ვიყოთ...
ფოტოსურათებს მოგიტან. სახეები ათვალეირე,
ამბებს მოგიყვებიან... კველაფერი ძველებურად
იყოს... მიყვარხარ... მიყვარხარ...

ქალი წინ გაწვდილი ხელით ფოტოგრაფის სახეს
თანაგრძნობით, სიყვარულით ეფერება.
ფოტოგრაფი თავს ქალისკენ აბრუნებს.

ფოტოგრაფი: მიყვარხარ.

ქალი: შენ გგონია, არასოდეს მიფიქრია, მე
რომ მეძებდი? განა არ მინდოდა, რომ ერთ
დღეს იქ მოვსულიყავი, სადაც მეძებდი?..
ზოგჯერ იმდენად მინდოდა, რომ შენი მზერა
ჩემს მზერას ხვდებოდა... ვფიქრობდი, დარ-
დიანების ქალაქში მეძებს-მეთქი... მეც იმ ქა-
ლაქში ვიყავი... ახლა გაზეთებიდან ამოჭრილ
სახეებს დაჰყურებს-მეთქი, ვამბობდი... იქ ყოველი
სახე ჩემს სახედ იქცეოდა... ზოგჯერ, შენზე
ფიქრისას, მეგონა, შენ რომ ხედავდი, იმ სამყაროდ
გადავიქცეოდი... მაშინ მივხვდი, ჩემი თავი კი
არა, ის სამყარო გინდოდა...

ფოტოგრაფი სახეს ქალის ხელებში რგავს. ჩურჩუ-
ლით ეკითხება.

ფოტოგრაფი: რას ხედავ, მითხარი...

ქალი ნატვრით იხსენებს.



ქალი: დილაობით ფოტოებთან ერთად შენც გელოდი... შენი ყურადღებიანი, ჭკვიანი გამოხედვა მიყვარდა... მაგრამ, ვიცოდი, რომ ერთ დღეს შენ მოტანილ სურათებზე ვიპოვიდი იმ სახეს, რომელსაც ვეძებდი...

ქალმა ხელები ძირს დაუშვა.

ფოტოგრაფი თავს ხრის.

ქალი მაგიდიდან დგება, კოშკის მრგვალი ფანჯრიდან შემოსული სინათლისკენ მიდის.

ქალი: მე არ ვცდები, ძვირფასო, მე არ ვარ ის სახე, რომელსაც ეძებ (ფოტოგრაფისკენ ბრუნდება) ზოგჯერ, როცა შენ მოტანილ ფოტოებს ვაკვირდებოდი, შენს მზერას ვგრძნობდი და ვფიქრობდი, ნეტავ, თუ შევძლებდი სხვანაირი, სულ სხვანაირი ვყოფილიყავი... მაშინ, როცა ერთმანეთს შევხედავდით, სამყაროს კი არა,

ერთმანეთს დავინახავდით... ჩვენი თავი... სამყარო
ვერ ვიპოვეთ (ფანჯრიდან შემოსულ შუქს
უყურებს, ფიქრობს). ჯერ კიდევ გვინდა ღამეს
დღე დავარქვათ, დღეს კი – ღამე... ასე მარტივად
რომ იყოს ყველაფერი... ღამე სიბნელეა, დღე –
სინათლე... ცოტა ხნის მერე კიდევ უფრო
განათდება... მე მთელ ჩემს სიცოცხლეს საათე-
ბთან, სახეებთან გავატარებ... შენ ქალაქთა ქა-
ლაქში დაბრუნდები. ერთმანეთს ვეღარასოდეს
ვნახავთ... მერწმუნე, შენ რომ ეძებ, ის ოცნება
არა ვარ, სულაც არ ვარ...

ფოტოგრაფი ტირილს იწყებს, უხმოდ სლუკუნებს.

ქალი: ნუ ტირი, ნუ ტირი, გთხოვ...

ფოტოგრაფი ცოტა მშვიდდება.

ქალი საათის კოშკიდან გადის.



კოშკის უკანა ბილიკით მანქანისკენ მიდის...
ფოტოგრაფი მაგიდასთან გაოგნებული ზის.

საათის თავისუფლად მოძრავი ისარი.
ფოტოგრაფი საათის კოშკიდან გადის, მიდის ქალისკენ,
რომელიც მას ელოდება. ძალას იკრებს.
კოშკის საათი ცხრის ნახევარს აჩვენებს.
ფოტოგრაფი მანქანას უახლოვდება.
ქალი ფოტოგრაფს საათს აწვდის.
ფოტოგრაფი საათს ართმევს.

ქალი: მამაშენის იყო?

ეს მამის საათია, გულთა სახლში რომ დარჩა ფო-
ტოგრაფს.

ფოტოგრაფი ვერ პასუხობს.

დუმილი.

ქალი ხვდება, რომ ფოტოგრაფის მამა მოკვდა.
ფოტოგრაფს უკანასკნელად შეხედა, მანქანაში ჩაჯდა.
მანქანის ძრავა ამუშავდა, მიდის, შორდება.

მეძველმანეს ამბავი

მსუბუქად ცრის.

ფოტოგრაფი საათის კოშკის უკანა ბილიკს მიუყვება.
წვიმის წვეთები წყლის ზედაპირს ეცემა... ფოტოგ-
რაფი გზას აგრძელებს, უცებ პატარა გოგოს გულა-
მოსკვნილი ტირილი ესმის.

წინ, ერთცხენიან ურემზე, მეძველმანეს და გოგოს
ხედავს.

მეძველმანეს ურმიდან ჯართი, ღუმელის მიღები, ძველი ნივთები ჩამოაქვს, თან მტირალ გოგონას აწყნარებს.

მეძველმანე: ნუ ტირი, ჩემო ლამაზო, ნუ ტირი... გაჩუმიდი, ნუ მოიქანცე ტირილით თავი... ავტოკალამს გიყიდი... თანაც ღილაკიანს კი არა, ზამბარიანს... ნუ ტირი, კარგი? გაჩუმიდი, ნუ ტირი...

ფოტოგრაფი მათ უახლოვდება... მეძველმანე, რომელმაც თითქმის გადმოცალა ურემი, ამჩნევს მოახლოებულ ფოტოგრაფს.

გოგონა ჯერ კიდევ ტირის.

მეძველმანე თან ურემს ცლის, თან ოდნავ დამცინავად და გამოჯავრებით ლაპარაკობს.

მეძველმანე: დედა არ ჰყავს, მამის იმედი არა აქვს... (ილიმება) მითხარი, ერთი, შენ, ჩემო კარგო, შეუძლია ადამიანს ცხოვრებაში რაც უნდა, ის მოიპოვოს?

ფოტოგრაფი ერთხანს ფიქრობს. მერე გაურკვეველად იცინის. ძველ სკამზე მდგარ გოგონას თბილად უყურებს.

ფოტოგრაფი: ვერ მოიპოვებს.

მეძველმანე: (გოგონას) ხედავ? (ფოტოგრაფს) მომეწონე, ძმაო... ჩემგანაც მოისმინე ერთი ამბავი...

ურმიდან ძველთაძველი ნივთების გადმოცლა დაიწყო, თან მხიარულად ჰყვება.

მეძველმანე: ერთხელ, ერთ შორეულ ქვეყანაში ერთი ქურდი ცხოვრობდა... ოცნებათა ქურდი... ღამდამობით, ჩუმ-ჩუმად მძინარეთა სიზმრებში შედიოდა და, რომელიც მოეწონებოდა, იმ სიზმარს ტომარაში ღებდა, იპარავდა... დილით გაღვიძებულნი სულში შფოთვას გრძნობდნენ, რალაც დამთრგუნველი გრძნობით იღვიძებდნენ... მერე ღებოდნენ და წმინდანთან მიდიოდნენ, თავიანთ დარღებს უყვებოდნენ... წმინდანი კი ჭკვიანი ყოფილა! იმათთვის უთქვამს, თქვენ სიზმრები დაგიკარგავთ, მაშინ თქვენს იმედებზე მომიყევითო... მაგრამ დარღიანები სიზმრებში დაკარგულს ვერ იხსენებდნენ და ამიტომ იმედებსაც ვერ ისახავდნენ... რატომ? იმიტომ, რომ მათი სიზმრები ჩემს ტომარაშია. აი, რატომ...

ტომრის დაცლას იწყებს. ამოღებულ ნივთებს დამცინავი მოძრაობით, მხიარულად აჩვენებს.

მეძველმანე: სარკე... უთო... ღამბა...

მეძველმანე გულიანად იწყებს ხარხარს.

გოგონაც უკვე ჩუმადაა.

მამამისის სიხარულით ხარობს.

ფოტოგრაფი სევდიანად იღიმება.

მერე თითქოს რალაც გაახსენდაო, თავს წევს, მაღლა იხედება.

წინ, გორაკზე, შიშველი, განმარტოებული ხე...

(დასაწყისი მე-2 კვერდზე)

ერთ დღეს, როცა „შავ წიგნს“ ვწერდი და ჯერ კიდევ მისით ვიყავი გაბრუებული, ომერ ქიაჯურმა დამირეკა და მითხრა, რომ ახალ ფილმთან დაკავშირებით რაღაც იდეები ჰქონდა და მკითხა, დავწერდი თუ არა ამ ფილმისთვის სცენარს. მერეც, შეხვედრაზე, ამ თემაზე საუბრისას, როგორც ვგრძნობდი თუ ვხვდებოდი, ტყუბებზე და წყვილებზე მესაუბრებოდა. მისგან მოსმენილი ამბით და უფრო მეტად მის მიერ გადაღებული ფილმით – „სასტუმრო სამშობლო“ – აღფთოვანებულმა რაღაც-რაღაცები მეც მოვუყევი. მაშინ ჯერ კიდევ ზემოხსენებული „შავი წიგნის“ გავლენის ქვეშ ვიყავი და თავში სხვა არაფერი მომდიოდა.

მერე დავსხედით და ერთმანეთს ამბებს ვუყვებოდით. ყოველი ამბავი იმედიანად იწყებოდა, იჭვნეულად გრძელდებოდა და როცა ვხვდებოდით, რომ აქედან კარგი ფილმი არ გამოვიდოდა, უიმედოდ ვამთავრებდით თხრობას. მაგრამ, როცა „შავი წიგნიდან“, „თოვლიანი ღამის სიყვარულის ამბიდან“ პავლიონის ფოტოგრაფის ამბის მოყოლა დავიწყე, ნაწარმოების გმირების ენით რომ ვთქვა, მივხვდი, რომ ვიპოვეთ ის, რასაც ვეძებდით. ომერმა მკითხა, როდის დავამთავრებდი ჯერ სახელდაურქმეველი „შავი წიგნის“ წერას და როდის დავიწყებდი სცენარზე მუშაობას. ორ თვეში დავამთავრებ წიგნს-მეთქი, ვუთხარი.

ამგვარად, ოცი თვის მერე, როგორც კი დავამთავრე წიგნის წერა, სცენარზე მუშაობას შევუდექი. „შავი წიგნი“ მდიდარი იყო ახალი ამბის დასაწყებითა და სასათაურე მომენტებით, მაგრამ მიუხედავად ამისა, მასში

მოთხრობილი პავლიონის ფოტოგრაფის ამბავი გადატვირთული იყო შეუწყნარებლობითა და შავი იუმორით და რომანის თემატიკისთვის შეუფერებელი იუმორით გაჯერებული დასასრული ჰქონდა. ქალი — ქრივი, ფოტოგრაფი კი ამბის მოყოლის მომენტში ჭალარა და მოხუცი იყო. მივხვდი, რომ ეს ამბავი სულ თავიდან, რომ ვოცნებობდი, იმ ამბამდე უნდა დამეყვანა, ყველაზე წმინდად გადამექცია და საქმეს უნდა შევდგომოდი. ამიტომ, პირველი, რაც უნდა გამეკეთებინა, ფოტოგრაფის გაახალგაზრდავება და ქალის ქრივობის, დაოჯახების ფაქტის ამოღება იყო. ამგვარად, უკვე ჩემი ამბავის ჩემებურად გაგრძელების საშუალება მომეცემოდა. მახსოვს, ომერს სცენარის წერის ტექნიკურ მხარესთან დაკავშირებით რალაცები ვკითხე. მან კი წერაში სრული თავისუფლება მომანიჭა...

მეც, როგორც მინდოდა, ისე დავწერე... როგორც რომანის წერისას, ამ ამბის (კალამი არ მაწერინებს სიტყვას „სცენარი“) წერა ყველაზე ძალიან რომ მინდოდა და მეწერინებოდა, იმ ადგილიდან დავიწყე. შემდეგ ამბის დასაწყისს დაუბრუნდი. ერთად მუშაობა შეიძლება ითქვას, რომ სწორედ მაშინ დავიწყეთ.

წერისას, თავიდან საერთოდ რომ არ მიფიქრია, ისე წამოჰყვეს და ერთად მოიყარეს თავი მოტივების, თემების, ელემენტების, ნივთების, უთოების, მაგიდების, მივიწყებული ადგილების, საათის კოშკების, ყასბების, დამლაგებელი ქალების, შეიპ გალიფის ბწკარედების, ჩაიხანებისა თუ ხეების მთელმა წყებამ. ამათგან ზოგი თავად ამბიდან გამომდინარეობდა, ზოგი — ჩემ მიერ თავდაუღწეველი „შავი წიგნიდან“, ზოგი — ომერ ქიაურის ძველი ფილმების სამყაროდან და ზოგიც — თურქეთის გეოგრაფიული

მღებარეობიდან. მეც ყოველი მათგანი მივიღე და გამოვიყენე. ვფიქრობ, რომ, თუ წერას შაბლონურად სამოგზაუროდ გზაზე გასვლას ვუწოდებთ, წერის ბედნიერება ამ მოგზაურობისას გაცნობილი მეგობრების საკუთარ სამყაროში მიღების სიხარული უნდა იყოს.

ჰო, სიტყვამ მოიტანა და ქალაქ კასტამონუს საათის კოშკი სწორედ ამ სიხარულით ჩავსვით ჩვენს ამბავში. ომერის თხოვნით, კოშკში გარკვეული ცვლილებები შევიტანე. ისიც თავისი მღებარეობითა და არსებობით იმ მსახიობად გადაიქცა, სცენარით მოხიბლული და როლით კმაყოფილი რომაა. ომერმა ეს სერიოზული და სოლიდური მსახიობი ფილმში ისე ათამაშა, რომ კასტამონუს მცხოვრებლებმაც გულთა ქალაქის მობინადრეებივით დაიჯერეს ფილმში ნანახი.

გაზეთის ამონაჭრების, სახეების თვალყურებაში მოძლოდინე ფოტოგრაფის, დაკარგული კვალის ძიების ამბავი „შავი წიგნიდანაა“, „ფარული სახის“ ავტობუსის მგზავრები — ო. ქიაურის ფილმიდან „პროვინციის სასტუმროები“. წერისას და ომერთან ერთად მუშაობისას, რასაკვირველია, მქონდა რამდენიმე აზრი, რომელიც, საბოლოოდ, სცენარის შემდეგ ფილმის სულსა და გულს გადაშლიდა.

თავიდანვე იმედი მქონდა, რომ სპეტაკი, ჭეშმარიტი სიყვარულის ისტორიის, „ფილმში ფილმი“ რომ ვუწოდე, იმ პრინციპულ სცენებს გადავარჩინდი ბანალური სიყვარულის ამბად გადაქცევისაგან. ისეთ ფილმზე, სცენების წყებაზე ოცნება, კინოთეატრში ჯდომისას საკუთარ თავს რომ დაგავიწყებს, გაგაოგნებს, გაგაფრთხილებს, ძნელი არ უნდა იყოს. იქნებ გადაუღიათ კიდევ ასეთი ფილმი...

მინდოდა, ომერის ფილმის სცენები უფრო გრძელი, მდიდარი, არეულ-დარეული ყოფილიყო. ომერს კი, პირიქით, მოკლე მონოლოგების დადგმა სურდა. ერთად მუშაობის დროს, მონოლოგებზე საუბარს რომ ვიწყებდი, ომერს ისეთი ფორიაქი ეწყებოდა, წვიმის დაწყების წინ ქოლგის მაძებარ ადამიანს რომ დაეუფლება ხოლმე. გმირების ბუნების გასაშლელად გრძელი მონოლოგების დაწერა რომ მინდოდა, უკვე თავშიც ვახსენე. მაგრამ, რისთვის მინდოდა, ამ მონოლოგებით რისი ახსნა მინდოდა, რაზე მინდოდა მიმენიშნებინა, მართალი რომ გითხრათ, ახლაც არ ვიცი... უბრალოდ, მინდოდა ეს მონოლოგები დამეწერა!..

ასე რომ არა ყოფილიყო, მონოლოგებში არსებული ელემენტების წინ წამოწევით ფილმის ლიტერატურული ნაწარმოებებით კითხვა სცენარის კითხვად გადაიქცეოდა. რასაკვირველია, ის გრძელი მონოლოგები ლიტერატურული სიამოვნებით დავწერე. ის კი არადა, ამ სცენარს იქნებ სწორედ იმავე სიამოვნების ილუზიით ვაქვეყნებ. თუმცა, ვიცი, რომ კინოთეატრში ფილმის ყურებისას, სავარძელში ჯდომისას გმირების ხმასაც მნიშვნელობა აქვს. გმირებს შეეძლოთ, სხვა რამეზე ესაუბრათ, ეს კი სცენარისა და ფილმისგან მიღებულ სიამოვნებას შეცვლიდა (თუ ასეთი რამ საერთოდ შესაძლებელია).

ასევე, ამბავში ნახსენები ნივთები, მოტივები, წყობის წინ წამოწევა, სიმბოლური მნიშვნელობის მინიჭება ჩემი ახირება და სურვილი არ არის. წიგნის ბოლოს, როცა ქალის ვნებები და ამბავი მესაათეს ვნებებსა და ამბავს უერთდება, კი არ კითხულობთ, უკვე გესმით ჩახლართული ენით დაწერილი. ვფიქრობ, ამ ამბის მჭერმეტყველურად გადმოცემაზე მეტად ამბის თხრობა, რიტმი და აურა

უფრო მნიშვნელოვანია. სამოგზაუროდ გასულები, მანქანის ფანჯრებიდან გარემოს მაინცდამანც დიდი ინტერესით არ ვათვალიერებთ, მაგრამ თუ ამავე მოგზაურობას მანქანის წინა სავარძელზე მოთავსებული კამერის თვალთ ვუყურებთ თეთრი ფარდის კედელზე, რაღაც სხვა, უცნაური გრძნობა მოგვიცავს ხოლმე. და თუ სცენარს ამგვარად ადამიანის მოჯადოება არ შეუძლია, მწერლის პატივმოყვარეობას მაინც დააკმაყოფილებს.

რადგან აქამდე მოვედი, ბარემ ფილმზეც ვიტყვი ერთ-ორ სიტყვას. არ ვიცი, ჩემი ნაწერი დაემსგავსება თუ არა უწიგნურების, და რადგან სიტყვა წიგნი ვახსენე, მის სარგებლიანობაზე მოსაუბრეების ლაპარაკს. ამას იმიტომ ვამბობ, რომ ადრინდელივით უკვე აღარ ვუყურებ ფილმებს. იყო დრო, როცა სტამბოლში, საკონსულოებში, „დადებითად შეფასებულ“ კინო-კლუბებში ზამთრის ცივ დღეებში, იმ დროს, როცა გარეთ ბომბები ფეთქდებოდა, უფულოდ და უსაწვავოდ დარჩენილ, გაყინულ სალონებში ფენა-ფენად ჩაცმული 3-5 კაცი ფილმს ვუყურებდით. მიუხედავად იმისა, რომ ერთმანეთს არ ვიცნობდით, ნათესავებივით ვიყავით და კლუბებში შესვლისას ერთმანეთის სახეებს ვეძებდით.

რისთვის წერს ადამიანი სცენარს? სცენარისტობა ისეთ განვითარებად ქვეყანაში, სადაც ფილმის წარმატება თუ წარუმატებლობა ფასდება, როგორც სოციალური მოვლენა, წარმოუდგენელია ვინმეს მიზანი იყოს. ზოგი სცენარს ფულისთვის წერს, ზოგისთვის ეს რეჟისორობამდე მისასვლელი გზის აუცილებელი ატრიბუტია. მართალი ვითხრათ, შინაგანად არც ერთი არ მიგრძენია. ვინმესთან ერთად ჯდომა და ამბის შეთხზვა, ფილმზე ოცნება უფრო მიზიდავდა.

ხუთ-ათ გვერდს დავწერდი, ომერს ვაჩვენებდი, შემდეგ ვსაუბრობდით, თუ რაზე იქნებოდა შემდეგი სცენა, ფილმზე ოცნებებში ვეფლობოდით. ხანდახან წინ ვერ მივდიოდით, მაშინ სახლში ფსიქოლოგთან მისული პაციენტისვით დივანზე წამოვწვებოდი ხოლმე და თვალებს ჭერს მივაპყრობდი, ვფიქრობდი. ომერი კი, ჩემი ქალღმერთა და წიგნებით მტვრით სავსე სახლის ნახევარსაუკუნოვან იატაკს ჭრიდალს აუტეხავდა, ბოლთას სცემდა. „ქალი კიბეზე გამავალი კარისკენ მიდის, სადგამზე დაყრილ ფოტოებს ხედავს...“ ვიმეორებდით რაღაც მღელვარებითა და უიმედობით მოცულნი. კვლავ სიჩუმე ჩამოვარდებოდა. მაშინ ვფიქრობდი, რომ ჩემი 15 წლის მუშაობის განმავლობაში პირველად, ნიშანთშის მოედანზე მანქანების საცობისგან გამოწვეული ქუჩის ხმაურის ფონზე, რომელიც ჩვენს შორის ჩამოვარდნილ სიჩუმეს არღვევდა, მარტო ამ ამბის ზოგიერთ საკითხს ვერ ვწყვეტდი და ეს რაღაც მავსებდა გაუგებარი გრძნობით, რომელიც არც ვაოგნებას ჰგავდა, თუმცა, აშკარად მსიამოვნებდა. ამ გრძნობის დაგემოვნებისთვის ომერს რაც არ უნდა მადლობა ვუხადო, მაინც ცოტა იქნება. და აწიც, თუ კიდევ დავწერე სცენარი, კვლავ ამ შეგრძნებისთვის დავწერ.

1991 წლის დეკემბერი

ვინ არის ორჰან ფამუქი?

ორჰან ფამუქი თანამედროვე თურქულ ლიტერატურაში ყველაზე ცნობილი და სკანდალური მწერალია. იგი დაჯილდოებულია არაერთი თურქული და საერთაშორისო ლიტერატურული ჯილდოთი და თარგმნილია 40-ზე მეტ ენაზე.

იგი დაიბადა 1952 წელს შეძლებული ინჟინრის ოჯახში. სტამბოლის ამერიკული კოლეჯის დამთავრების შემდეგ, მამის გავლენით, მომავალი მწერალი აბარებს სტამბოლის ტექნიკური უნივერსიტეტის არქიტექტურის ფაკულტეტზე, რომელსაც სამ წელიწადში თავს ანებებს და ჟურნალისტიკის ფაკულტეტზე გადადის, რომელსაც 1977 წელს ამთავრებს.


1985-1988 წლებში ორჰან ფამუქი ასწავლის ნიუ-იორკის კოლუმბიის უნივერსიტეტში. ამის შემდეგ ის ისევ სტამბოლში ბრუნდება. მისი პირველივე რომანი „წყვილი და სინათლე“ (1979წ.) წარმატებული აღმოჩნდა — გაიმარჯვა ლიტერატურულ კონკურსში. ამის შემდგომ ფამუქის ლიტერატურული კარიერა ელვის სისწრაფით იზრდება — მას მსოფლიოს წამყვანი პრესა აღმოსავლეთის ახალ ვარსკვლავს უწოდებს.

1992 წელს ორჰან ფამუქი წერს სცენარს ფილ-

მისთვის „ფარული სახე“, რომელიც შემდეგ წიგნადც გამოიცა. სცენარის მიხედვით ფილმი გადაიღო თურქეთში ცნობილმა რეჟისორმა ომერ ქიავურმა, რომელმაც საუკეთესო სცენარისა და საუკეთესო ფილმისათვის მონრეალისა და ანტალიის კინოფესტივალების ჯილდოები დაიმსახურა. ეს პიესა თარგმნილია მრავალ ენაზე და აღიარებულია, როგორც პიესა — შედეგრი.

ორჰან ფამუქის წიგნებისთვის დამახასიათებელია ეროვნული თვითგამორკვევის კრიზისი, რომელიც გამოიწვია ევროპულ და ისლამურ ღირებულებათა კონფლიქტმა. „ეს თემა თანამედროვე მკითხველისთვის შეიძლება ერთგვარად გამაღიზიანებელიც კი იყოს, მაგრამ ფამუქისეული მოვლენების კომპლექსურ განვითარებას, დამაინტრიგებელ სიუჟეტებსა და ხასიათების სიღრმეს აღტაცებაში მოვყავართ“, — აღნიშნავენ კრიტიკოსები.

დღეს, უკვე ნობელის პრემიის ლაურიატს, მსოფლიოს შვიდ დიდ თანამედროვე მწერალს შორის ასახელებენ. ესენი არიან: ინგლისელი ჯონ ბერგერი, მექსიკელი კარლოს ფუნტესი, გერმანელი გიუნტერ გრასი, ფრანგი ჟანმარი დე კლეზი, იტალიელი კლაუდიო მაგრისი და ესპანელი მანუელ ვასკეს მონტოლბანი. კრიტიკოსები ორჰან ფამუქის შემოქმედებას ხორხე ლუის ბორხესს, ტომას ვულფს, უილიამ ფოლკნერს ადარებენ.



რედაქტორი – სოფიო კობიაშვილი
გვანცა ჯობავა
დიზაინერი – მზია ლეკვეიშვილი
ტექნიკური რედაქტორი – ლალი ბიჭაშვილი



წიგნი ადვილზე მიტანით!

ტელ.: 92 35 70
45 33 79

www.bookland.ge



61.372
2

საქართველოში პირველად გამოდის თანამედროვე თურქულ ლიტერატურაში ყველაზე ცნობილი და სკანდალური მწერლის ორჰან ფაშუქის ნაწარმოები. რომელიც თარგმნილია მსოფლიოს პირველ ენაზე. ორჰან ფაშუქი დაჯილდოებულია არაერთი თურქული, საერთაშორისო ლიტერატურული ჯილდოთი, მათ შორის ნობელის პრემიით. 1992 წელს ორჰან ფაშუქი წერს სცენარს ფილმისთვის „ფარული სახე“, რომელიც შემდეგ წიგნად რამდენჯერმე გამოიცა, რითაც დაიმსახვრა ისეთი, რომ სცენარებს არ კითხულობენ. ამ სცენარის მიხედვით ფილმი გადაიღო ცნობილმა რეჟისორმა ომერ ქიაურმა, რომელმაც ამ ფილმისათვის მონრეალისა და ანტალიის კინო-ფესტივალის ჯილდოები დაიმსახურა.

ISBN 99928-61-09-6



9 789992 861097

